



甘肅書史略卷二十六

清德宗 光緒二十七年春正月詔按察使何福堃護理陝甘總督

廷蕭在山西按察任內附和毓賢蹤拳戕教既得毓賢正法之命特告毓賢死後分也如流事何廷蕭慮不免兀且仰藥死明日毓賢往弔仰天大笑曰我死於此

先我而死請小待當緊誠於重泉之下

前山西巡撫毓賢在蘭州正法

自庚子五月以來拳匪倡亂開釁友邦陸陸推原禍始皆毓賢有以釁之聚

太后以上忠世欲保全其首領已革職發往新軍因聯軍請嚴加辦復下諭云已單巡撫毓賢前在山西巡撫任內妄信拳匪邪術至令為之掄揚以致諸大王受其煽惑

及在山西巡撫任內復戕害教士教民多命尤屬慘毒因殘罪魁禍首前已遣發新疆計行抵甘肅者傳旨即行正法並派按察使何福堃監行刑此光緒二十六年十二月下

旬事也當是時毓賢已抵蘭州寓省城水北門街八旗會館庚子除月除日午後李廷蕭邀食團年飯何福堃亦在座行在忽來急電李蘭後即以實告毓賢聞正法之命毫無懼

色請假以時日料理一切李商之何福堃定次年正月初六日行刑二十七年元旦日李廷蕭暴病而死初二日毓賢往弔哭之甚哀是日奉行在上諭者何福堃護理陝甘總督

初三日毓賢回皋蘭進上黃毓麟往像館攝影留作紀念並購棺木三具蓋其一妻一妾決定殯節並毓賢而為二蘭州紳民以其愚忠可憫與態度之從容紛紛上書請兩宮

拳匪自於神勇 謂足以集大車 然舉術固非少 人所傳亦祇一 林的傳亦祇一 人敵耳以之禦 寇盜為防身之 術則不可謂之 破不能敵雖如 焉亦不信毓賢 身為不使信之 最深以為合之 乘粹當大敵未 有不敗者也聯 軍入京兩宮死 有餘辜之罪死

收回成命護督恐滋生事變改初四日夜半行刑檄城守營參將田連考監祝而毓賢不知也初四日自作輓聯兩副夜寫家書並為友人書橫披正落款聞敲門聲甚急遣僕隔門問之云督標參將有公事面商毓賢曰其將殺我乎請少待於是書上下款親自蓋章其妻妾聞信即乳藥死命僕將衣襟檢點齊全毓賢易朝服問刑場何在答以會館門首於焉鞠躬而行僕隨於後抵刑場望北九叩首坐而就刑並無需人扶掖之事日本人所署拳匪餘聞謂毓賢就刑時甘肅按察使何福堃至什字街呼毓賢出武員舉刀前之傷頸未殊毓賢連呼求速死其僕憐之助勸其項又謂毓賢聞命後面無人色大非在山東巡撫任內凶狂氣象死之前一日病愈及往刑場時係人扶掖而行按之當日實在情形不相符合

案太平野史李來中南人曾隸屬洪秀全部忠王李秀成麾下秀成敗來中涕泣呼號誓必復仇秀成慰之曰爾大好男兒毋自戕今日已矣度一二人力亦不能支爾往往速斃耳余觀滿清氣運亦不越數十年爾果有志當自重為後來計也來中受命遂投入山東白蓮教埋匿二十餘年毓賢撫山東獎勵拳勇來中乃詭投以扶清滅洋之說毓賢納之由是勢大熾及聯軍破天津南人有識來中者私叩之曰今八國聯兵攻京若以兵力比例彼勝我當百倍而曰滅洋洋何能滅曰扶清清焉能扶適自亡其國而已來中曰余何嘗不知惟余蓄志報仇已三十年今幸得聞豈敢失此好機會余所以辛若來此者求復仇已耳成敗非所計也然則李來中者其亦致力於國民革命者歟

慕壽祺曰毓賢縱令其匪仇殺教民其罪固不容誅其執事蘭州人時能言

之當受刑時毓賢顏色不少變蕭衣冠謝恩訖觀其妻與妾乳藥死將出復謂僕某曰客臘某以紙索書吾既許之言不可曠也和墨伸紙作行書監視行刑官田連考聞之怒詈其畏死毓賢笑曰吾豈畏死哉乃猶氣靜神怡落筆不苟書既竟加印章始出就刑其態度從容處處與黃石齋先生正命時無異皆質美而學未至耳

附送清廷未究罪魁十七人名單

庚子聊軍入京兩宮西狩後慶親王與李鴻章在京與各國公使議和各國首提出索辦罪魁名單其第一次所提出者爲端王載漪等二十餘人皆一時之勢位赫奕者如徐桐剛毅趙舒翹毓賢等固世人所咸知也至辛丑年春復提出第二次索辦罪魁名單則其後迭經李相磋商百計保全其人或

得倖免事後幾無人復知者劉子嘉侍郎在李相邸獲見原開名單一紙其  
罪狀姓名官職照錄如左一兵部侍郎貽穀因僞傳上諭致盛京都統晉昌  
與俄人開仗一軍機處章京連文冲因僞傳上諭命華兵攻擊天津租界並  
謀攻北京使館一內閣學士蕭榮爵會助連文冲妄擬僞諭一內閣學士高  
唐恩與徐桐聯爲一氣一候補知府黃鳴岐曾充義和團老師一吏部主事  
洪嘉璜曾勸端王登九五之位及焚燒使館教室一刑部主事夏振武曾助  
洪嘉璜爲惡一溥良曾上摺請殺許景澄等一內閣學士廣燧曾助溥良爲  
惡一湖北候補道黃嗣東因請于陰謀攻殺漢口之洋人一內閣學士胡祖  
蔭俞鴻慶二人曾帶領拳匪頭目二十餘名至湖南擬攻劫岳州租界一刑  
部主事郭宗照吏部主事葉德輝等會助胡祖蔭爲惡一候補道張祖同學

士孔憲教等會助胡祖蔭爲惡以上各員以貽穀連文冲二人爲罪魁此罪員軍中計共十七人

三月隴東大饑

二十六年冬無雪是年春又不雨隴東饑荒之餘疫厲人作死者相枕藉貧家小戶無炊煙往往夫婦對縊室如縣磬亦無人掩埋其生者各自

謀生父竊其子夫離其妻哭聲震野耳不忍聞

案文王世子公族有死罪則磬於甸人註謂磬縣縊殺之也是卽前清之賜帛耳左傳室如縣磬謂年荒乏食一家餓死其室竟如縣磬之室矣蓋縣縊而死有如樂器之在縣也今言家貧者皆用室如縣磬似誤

夏五月鎮原縣知縣汪宗瀚請假公款貳千兩以賑饑民省政府許之

去歲夏秋兩季

鎮原顆粒無收適拳匪釀禍聯軍入京兩宮倉皇西狩大吏未便請賑令地方自行設法而本年春又不雨以致糧價踊貴比戶枵腹民無所得食餓殍滿道鴻雁哀鳴貢生包中廉商同知縣汪宗瀚借公款銀貳千兩倉糧肆千石又借江南義賑銀叁千兩分散饑民後數年大吏催還前借庫款中廉又請於知縣張文泉詳請豁免經總督崧蕃

據情人  
告從之

慕... 公款絲毫為重斯言洵不虛故鎮原借公款銀兩賑濟災黎是年五六月  
間麥秋至嶺嶺者飲水思源一線生機未始非公款有以救之也旋奉政府嚴令如數  
繳還賴大吏奏請豁免幸沐允從否則有賣兒鬻女以償者矣今之鯨吞  
虎噬攫公款至數十萬元之多而政府置若罔聞豈今昔情形有不同歟

### 秋七月布政使何福堃禁止官眷進署

自秦... 州縣報到者紛至沓來僧  
多... 亦甚不易於是

大行運動令內眷出入藩署一申牟尼... 於... 大人之... 地小佳  
話流傳竹枝詞到處... 聞之深以為... 州縣內眷出入藩署

案差使二字見於... 盧杞為相令隨西李揆入... 德宗曰臣不憚遠使恐死  
道路不達君命德宗惻然免之謂盧相曰李揆... 一人杞曰和戎之使須諳練朝

廷事非揆不可且使揆去向後差使小於揆年者不敢辭遠使矣揆既至蕃蕃長問唐  
家有一第一人李揆公是否揆曰非也他... 箇李揆爭肯到此恐其拘留以此誣之也

老大人之稱始於明先是府衛州縣佐貳首領官見通判以上皆稱老爺與奴僕無異萬  
歷間濟南歲貢生王之瀚選主簿見上官一呼老爺遽感心疾見人輒曰孝子慈孫百世

不改也竟死趙州選貢宋弘業選州同知上疏求與州縣正官俱稱上官為大人奉旨下  
部准通行弘業見巡撫遂稱老大人巡撫怒而答之十五憤恚病死見家宰趙南星疏中

清未蘭州市竹枝詞都三十餘首無名氏所作中有一絕云三字花箋韓秀英西臺初見  
女門生春風委曲花無賴從此安康定享榮又云朝朝暮暮殷勤甚燕燕鶯鶯上下忙人

差使二字之出  
甘肅人李揆是

蘭州莊嚴寺  
甘肅人李揆是  
甘肅人李揆是

竹枝詞  
有其人  
明言耳

餘不知在後好而今還有  
大娘王餘已不復記憶矣

### 冬十月蘭山道黃雲兼辦秦晉賑捐事務

時秦晉及甘肅平慶涇等處大饑而秦晉  
賑捐款照二成一上兌知縣發手或百餘

兩通判張百餘兩從九銜捌兩有零甘肅富家子弟但能請安站班即可出膺百里並有  
股分公司蓋兩人合捐一知縣約定將來後日册無名者經管地丁錢糧於是外省  
來甘稟到者甘人赴鄰省候補者冠蓋絕  
於途中與吏材於斯為盛而人民則不堪其苦矣

案禮記曰爵不濫而民作愿左傳曰爵不濫德又曰惟名與器不可假人王

嘉曰王者代天爵人尤宜謹之前清不來捐納之詞大門紳縉子弟市井商

賈擁費而得高官豪傑甯不聞而解體乎况其才也既以財而得官其既

官也必以官而營財探券取償不至於誅求剝取不止也夫州縣為親民之

官竟有目不識丁者而亦出膺民社一路之災其能免乎

自捐納之途開一時彈冠出仕者非盡長袖善舞也或集衆人之資以圖三

倍之利馴致流品混雜涇渭不分勢豪策名仕版藉為護符革員巧繼升階

專為牟利一旦資緣得缺竟敢廢惡不為縱百萬虎狼於山林而禁其下噬

人天下有是理乎西人來華者觀於吏治之壞民生之蠹即無國民革命而

清室已動搖矣以此遂為泰東西所訾議豈知庫帑空虛河國蔑有錢穀得

官中外所同西歷五百六十五年東羅馬已有納資拜官之例

十二月署靈州知州程必達卒於任所妾楊氏

通渭人死之必達以病歿甯夏道微

代方接篆之次日聞楊吞金死謂其幕省曰有職之於趙敬段東美之於薛官僚皆一慟而死

楊初柳如是為錢牧齋殉皆坡也今又見楊氏之死可謂節矣漢蔡文姬陳樂昌公主相違地下能不汗顏

王 二十八年夏四月秦州州署吏胥二百餘人同時投入天主教堂

秦州纓石比他縣較多房班舞

弊亦最甚歷任相沿無人舉發至是在籍中書任承允等入白映霞等欲為人民減輕負擔乃和盤托出控於州署時直隸州州牧李瑞澈亦廉潔自好閱呈詞以任承允領銜知

州縣病卒本可  
不害為及之此  
氏率連及之此  
之謂夫以妾得

李瑞激為地方除弊而操之過嚴其不釀成教案者亦幸矣

隨人稱我曰曹放者曹字之轉音也秦州人都如此說作者欲此一舉口張其肖從明史張綵傳脫胎而來

其為正人君子遂坐大堂傳六房經承三班總役擲呈高令自開房班面無人色叩頭認罪願赦既往勉為好人李瑞激不允限十日內將歷年浮收銀兩數交出否則籠斃房班大恐蓋事隔多年金錢到手已揮霍殆盡一旦賠償實咄嗟難辦其抵制之法有人擬督而官曰當今之世朝廷怕洋人教州裏東關有天主堂借神甫勢力可為護身符或謂如此亦救急之一法但洋奴二字恐為鄉黨所不齒三班總頭起而笑曰火燒眉毛大禍臨頭前日限期一到命且不保復何名譽之顧惜僉曰善遂同時入天主教堂懸旗慶賀李瑞激以教堂袒護罪人將用正式公文與之理論彙奏階道恐惹起交涉電達省城總督核審撤李瑞激任另檄令員紳士旅加申斥浮收糧款事屬既往概不追究入獄身班二百餘人亟商教堂速回州署以便辦公無庸申遞出教語

案教務紀略云基督教創自猶太人耶穌基督耶穌皆譯言救主耶穌之生

當中國漢哀帝建平三年其教本摩西十誡以敬天愛人為宗旨以拜禱互

助為功夫以超生天國為究竟其派大別有三一曰西教即羅馬天主教為

耶穌大弟子彼得所傳今法蘭西諸國奉之一曰東教即希臘教為耶穌弟

子保羅所傳今俄羅斯諸國奉之一曰修理正教亦曰復原教辯駁教明武

宗時日耳曼人路得所創路得憤天主教王干預國政醫赦罪符取金幣乃  
創改革宗派凡天主教拜偶像禁嫁娶以及教士之稱禮拜之儀一切矯正  
其中又分東盈黎甲爾文二派甲爾文箸書曰耶穌教謂東盈黎與路得派  
宗旨相同惟晚禱用酒食異耳是時各教分爭殺戮最慘至一千六百四十  
八年德瑞法諸國會盟於威司發里許各教並行敦禱甫弭然各派雖異敬  
天拜耶穌則同其在中國統稱基督教

慕壽祺曰余閱清嘉慶時禹城縣志其藝文內載梁川韓氏一村全奉西洋  
教夫一村之衆賢愚不齊有先入而得教堂利益者有苦勸而後隨聲附和  
者久之則全數脫離中國國民籍矣從未有二三百人同時投入教堂者有  
之則自秦州始雖然入教易出教難既入而又聽其出焉官吏之調停教堂

作者無書不讀  
其論宗教處亦  
甚公

當三聖公屬教  
業時龍占海說  
於衆曰吾激於  
義憤而爲此縱  
令研吾頭去類  
上只一穴耳決  
不令李代桃僵  
也及張作霖飛  
上天禍首龍已  
飛

### 之允許相得益彰矣

#### 冬十一月平羅三聖公教案結束

三聖公屬甯夏平羅縣與後套連界俗所呼爲二道河子者也其地有法國教堂教民爲爭渠水與民衆

鬪民衆弱不能支時有龍占海者素習拳術以教民欺壓良善代鳴不平當場毆斃一人法政府向北京總理各國事務衙門交涉奉上諭著陝甘總督崧蕃查辦總督遣道員張作楫前往酌辦作楫曾充出使美國大臣隨員總督以其知洋務也器重焉正凶龍占海在逃未獲殺平羅百姓七人教堂猶以爲未足大索賠款再四磋商賠銀四萬兩以地作抵案結

葛壽祺曰中國自甲午之敗國勢蹙危智無能謀勇不足戰將帥爲反噬之

犬風憲爲不捕之貓於斯之時下焉者持尊攘之說以仇洋爲忠憤上焉者

援懷柔之義以媚外爲政策邊疆蚩蚩者氓不知甲午賠款之輸於東鄰也

又見中國官吏之紛紛媚外常思有以報之平羅教堂神甫袒護教民欺平

民太甚民衆遂爲仇洋之舉卒之殺七人賠款四萬兩甯夏一時無款可籌

將軍割平羅荒地一片以作賠款喪失主權恥莫大焉而將軍猶自以為得計曰地固在甘肅境也外國人豈能攜至海外耶嗚呼何其愚哉

癸卯二十九年夏四月英人斯坦因盜取敦煌千佛洞石室書庫所藏各物敦煌縣

東南四十里俗號千佛洞洞南北俱深溝草木森茂東傍黑水餘波出山漸流入沙其水頓沒西傍陡崖高二十餘丈大小各洞層疊鱗列計三百四十二座洞內牆壁畫像龕龕萬千山口無名破洞尚以百數其間飛橋天梯足音罕到光緒二十八年歲半壁間忽裂出小洞一窟內藏番漢經典數萬卷小銅佛百餘紗絹另繪千手千眼佛畫成張畫畫間或堆積石上旁懸寶幡甚多更有藏書處自六朝以至後五代皆人間未見之書一語文大部分是中文又有藏文古梵文回鶻文開突厥文敘利亞文粟特文西夏文二宗教舉其關於道教者有老子化胡經太玄真一本滌經太上大道玉清經元始无量度人上品妙經太上業報因緣經太上濟業經太上靈寶沐浴身心經无上祕要等及其他道經殘卷其關於景教者有志玄安樂經宣元志本經景教三威蒙度讚其關於摩尼教者有中文摩尼經殘卷三美術約可分為建築雕塑壁畫畫像四種四經學有未改字之古文尙書孔氏傳歷信所著春秋穀梁傳解釋鄭玄所注論語五史學有孔衍之春秋後語失名之晉紀六地誌有唐西州沙州圖經慧超往五天竺國傳七文字學有陸法言之切韻陸德明未改字之尙文釋文以及小說詩集不可勝舉敦煌人視為公共物無人敢取片紙斯坦因氏攜帶翻譯藉孝琬由法國到千佛寺與王道士密祕交涉用白金毛詩一部買

去二十四大箱寫本書籍又買繡畫繡品裝五大箱運往倫敦博物館於是敦煌石室發見之古物乃宣傳於世界各國而斯坦因之姓名遂在近代考古文學史上占一最重要之地

前甘肅學政葉昌熾語石所載敦煌縣千佛洞卽古之莫高窟也洞扉封以丸泥十餘年前土壁傾陷豁然開朗始顯於世中藏碑版經像甚夥楚北汪栗菴大令宗瀚以名進士作宰此邦助余搜討先後寄貽宋乾德六年水月觀音畫像寫經卷子本梵葉本各二筆畫古拙確爲唐經生體又曹君置沙州石室文字記光緒戊申同年陸季良示余甘肅敦煌縣令汪宗瀚所遺後唐天成四年己丑歲五月二十九日樊宜信造樂師琉璃光如來像絹本長三尺許筆意古拙彩色鮮明其所題記文皆右行蓋千佛巖莫高窟物也甯鄉鍾彤濛使肅紀程洋洋數十言以紀敦煌千佛洞石室書庫事甚詳茲

澤其大旨如下清光緒二十五年六月敦煌千佛洞門口所填沙石年久自崩道人因而掘之得石室焉內藏書甚多皆抄本也讀之則目所未覩因稱爲瑯環福地欲往遊而未果民國十二年八月二十日卽癸亥七月初九日晴午後二鐘驅車出敦煌南門往遊千佛洞同遊三人縣令陸君恩泰彭君一鍾秀等過下永豐渠又過上永豐渠二渠皆自黨河上游引來下渠長二十二里上渠則長四十六里時則猶未至千佛洞也而山頭霧斂如欲迎人洞口雲飛如開笑靨昔人有登山聞呼萬歲者三茲如有言必爲歡迎也無疑千佛洞之名本專以名諸佛洞者今則山亦以此名省志縣志所載皆同山高而平鑿佛洞處壁立刀截而長約二里餘遠望如蜂窩密集而門則爲長方形與蜂窩異又如燕巢高懸而洞則豎列三層與燕巢異求其比擬形似

其惟今之三層洋式樓房乎時天已昏黑遂息於洞西第一禪寺寺無僧有  
王姓道人居之寺壁有唐大中碑審視其文係讚義潮以瓜沙州歸唐寺僧  
因立碑刻大中五年五月二十一日勅文寺廡下復有臥碑長約三尺餘就  
視則元稹高齋碑也蓋元至八年戊子五月十五日功德主速來蠻西甯王  
及妃子屈木造像龕余得此碑不知置之所在以詢人無知者久晨遊石庫  
藏書處所有古書已被匈牙利人斯坦因博士及法人伯希和輩歸其國乃  
觀四壁所畫據羅振玉鳴沙石室秘錄謂據法人開希和言壁畫皆有年月  
最古者爲東魏余歷遊一百餘洞未見有題年月者既推定建寺始晉時則  
壁畫時代亦當定自晉始今試分三期一顏色最黯淡者爲第一期當是晉  
魏時畫一介乎黯與明之間者爲第二期當是李唐時畫一色彩較鮮明者

爲第三期則五代以後畫矣自西至東洞凡一千三百有餘然在石壁東者大都殘毀不可登登亦不能如西石壁之脈絡貫通頭頭是道也遊三日畢與陸彭二君歸敦煌旅館其他紀載與陳萬里西行遊紀多有雷同處

慕壽祺曰甘肅有如此古物而士大夫不知寶貴誠中國莫大之恥也自英法人盜買之後中國好古家對於敦煌石室所發見各物品詳加研究各有箸作品其中究以羅振玉所著爲最多如敦煌唐寫本尙書釋文殘卷敦煌

古莫高窟石室祕錄敦煌道經殘卷鳴沙山石室祕錄敦煌石室遺書十二

種四册鳴沙石室古佚書十八種四册鳴沙石室佚書續編一册鳴沙石室

古籍叢殘三十種六册壁畫摺華一册敦煌零拾七種一册皆振玉影印他

如石室祕寶甲乙兩集敦煌石室碑金十七種皆存古學會影印敦煌唐寫

本神會和尚遺集胡適之校附長序敦煌出土之佛教經典葉恭綽編敦煌石室經卷中未入藏經論著述目錄李翊灼編敦煌古寫諸經校勘記王國維編敦煌出土古經錄未著錄之比邱尼戒本繆風林編中國之外英法日德俄諸國學者均有著作或論文發表俾數千年來未見之書大發其光采不可謂非書庫古物之榮幸也假使祕而不宣埋沒於深山古剎中孰知其大有造於中外考古學也然則英法人之盜竊或亦天使之然歟

### 五月文高等學堂添設俄文班

俄肇基於祿利格晚唐始建國諸甫果傑特數傳徒迭纂亂遷畿耶甫遷務拉的密爾經又遷莫斯科窪屬元

兵威脅攘據名都封建親藩垂二百餘載僅存一小部落至大彼得崛起與光復故物徒都森比得堡擅黃河之利與英法德奧通商惠上敬教勸學制度文爲徽特損益先世實舍已從人焉自茲以往日臻強大乾隆五十八年中俄立不互相侵犯約道光咸豐之際中原多故俄一再易約遂以國家發祥地數千餘里盡割於俄而東北江海襟喉半爲所據其所建屯堡與吉林黑龍江二省徑途四達儼若戶庭同治中又因回亂竊居伊犁後雖歸我而疆界尙未劃函哈密又關商場俄人之往來內地者時所恆有將來辦理交涉需

用俄文處甚部多令甘肅文高等學堂  
添設俄文學生一班派雙菊爲教習

案俄文頗難學習蓋有數音皆中國所無而措詞之變法尤多倘輕重急徐  
及其變法稍有未諧便茫然不解如稱法國曰佛浪妻耶稱其人曰付蘭楚  
斯克稱普魯士曰不怒喜耶稱其人曰詣蔑子稱土爾基曰土爾其耶稱其  
人曰土烈士克諸如此類不一而足至於早晚陰陽爾我他其說皆不同一  
語必數解其與中土同者呼父曰爸爸呼母曰媽媽又凡歐洲皆然不必俄  
也其呼天暖曰惹爾噶卽熱字之轉音其呼天寒曰荷傑得傑卽好冷之轉  
音其呼多曰穆傑各卽夥字之轉音其稱價昂曰惰囉各稱長久曰惰爾郭  
皆多之轉音其問何如曰斯他卽什麼之轉音其問何人曰喀奎也卽阿誰  
之轉音其稱佳曰哈拉說卽好說之轉音

慕壽祺曰中俄唇齒交誼素親民國二年春俄國游歷員二人來甘護督軍張炳華約期接談聞蘭州市有通俄語者蓋文高等學堂之畢業生也爰交涉科科員令作舌人則格格不相入聞嘗推求其故而知俄語甚雜其呼茶曰斂蒙古語其呼零星肆曰巴咱又回回語必無所不通始可以教俄語而雙弟非其倫也孟子曰今以其昏昏使人昭昭其斯之謂歟

秋八月詔前興平縣知縣王權重赴鹿鳴

王權字心如伏羌縣人道光甲辰恩科舉人隴上古文家也年未弱冠肄業關中書

院時路閣生太史主講不輕許可人見心如作大驚謂其文獨往獨來如萬斛源泉不擇地湧出中有一言劃不斷之氣純得力於蘇家父子後以勞績任陝西興平縣上游器重將大用焉乃棄官從好告老懸車歸田後終不問產業日以修學著書爲事如是者又二十餘年光緒癸卯科奉旨重赴鹿鳴二百年來所未有也心如著書多種皆前人所未有後人所必需者曰輿地辨同曰辦同錄曰典昉曰詒利曰童稚皆考據訓詁類也

慕壽祺曰前清規制捷鄉書者滿六十年得與新中式舉人赴鹿鳴晏梁同

甘肅通志卷之二十一  
學士重赴鹿鳴年已九十餘矣癸卯科甘肅舉行鄉試總督崧蕃查得伏羌  
道光甲辰恩科舉人王權再周甲子隱處林泉事前援案提奏請重赴鹿鳴  
以昭盛典幸沐允從檄伏羌縣知事勸駕時當溽暑適垢微疴佇望來儀怪  
無聲息而二百餘年僅此一人不可謂非藝林佳話也

薦卷未中者悉送甘肅文高等學堂

此堂籌備於光緒二十八年總督崧蕃檄候補和府楊增新往京津及東南諸省調查各省所

設之高等學校所有建築法教授法管理法一一筆諸日記歸而仿照辦理又在北京聘俄文法文日本文各教習至是挑薦而未中者一律入堂肄業學生分甲乙兩三班視其性之所近兼習洋文月支五千餘兩三十一年漸次改良三十四年改分高等本科豫科中學各一班宣統二年又添中學俄文一班民國初改爲省立第一中學校

慕壽祺曰國家開置萬里之新疆壹誘以同文之治二十年之間漸漬詩書

耳目潔新忘其舊習此猶當有才生之焉而况蘭州爲甘肅都會視新疆則爲中土在全國尤爲中心地今之培植栽種者宜取法乎上以爲邊外觀興

然後能變乎模倣苟簡之爲而有文武忠孝非常之人作焉文高等學堂之

設蓋及今其時矣惡可以苟焉乎哉

九月董軍舊部屯田馬家灘

先是庚子之亂聯軍入京兩宮倉皇出走時福祥在京追至宣化府隨扈至陝西行在嗣以議和事宜太后顧全大

局不得已命福祥回甘聽候調遣德宗親書密諭一道賜之內有他日聽鼓擊而思將帥舍爾其難屬哉語福祥即回至固原駐蘇家堡所率舊部無所事事陞辭奏臣部下諸將皆關隴百戰之士親下親兵皆六郡良家之子一旦聞居必啓寇心宜處與田宅俾各安其業同治十一年攻克金積堡馬家灘已故新疆巡撫劉錦棠時統領湘軍以臣頗堪屬策將馬家灘田產給於福祥地多沙而近黃河擬令兵士開墾以將官督催庶公私兩益太后許之福祥遂久駐固原至是以謠言紛起率兵回甯靈聽鴻樂村甲第閉門思過口不談時事令兵士實行屯田於馬家灘

幕壽祺曰今四方分崩天下鼎沸頓彌年之甲操同室之戈馴致田畝荒蕪黎元殄悴風塵四起誰履之階而猶收合無賴以自強衛匡振圮連徒托空言求一急流勇退早避賢路上挽天災如福祥之屯田不可多得矣

三十年春正月甘肅舉人赴河南應會試

庚子拳匪之亂京師貢院被毀是年春試改在大梁以河南巡撫爲監臨四大

朱子曰義理人心之所同然人為去講求卻易為力舉業乃分外學倒是難做可惜舉業所丁多少人科舉之宜傳也章章明矣

達賴蒙古語譯音海也噶智慧初大海

達賴駐錫州遠五泉山浴佛遊布約活佛出遊余與友佛人約遊余與活佛人約遊余與活佛人約

總裁及十八房考官均由御筆圈出中國科舉制自甲辰會試後遂廢除矣

案康熙甲辰會試詔廢八股改為兩場初場策五道次場經論各一表一判五如果實事求是則仲舒之天人三策劉蕡之下筆萬言與夫通經致用判案如神安見今必異於古所云耶丙未丁未後又復三場舊制海禁大開外傳沓來始派生徒留學外洋李鴻章曾圖藩實發其端京內外因之有同文館方言館之設益以甲午戊戌庚子三大變罷入股廢科學初設管學大臣學務大臣繼立學部教育始有萌芽甘肅學校設置亦漸完備

二月英人入西藏達賴喇嘛奔西甯

先是西甯有宗喀巴者年十四後從藏西薩迦廟之呼圖克圖學師係元帝拔思發之後世習

紅教其時紅教已衰至以吐火吞刀炫俗無異師巫靈失戒定非宗旨宗喀巴矯正習弊尊重戒律改用黃衣帽所謂黃教也其教重見性度生彈呵聲聞小乘及幻術下乘有高足弟子三一達賴喇嘛佈教前藏一班禪喇嘛佈教後藏一哲布尊丹巴佈教蒙古化行西藏盡革殘殺之俗數百年來其澤不斬達賴在西藏位最尊前清未葉政府許英人入藏通商藏人梗命駐藏大臣兵單力薄四川亦籌備不及至是英兵入藏而藏不能禦達賴出奔西甯中英交涉賠英兵費仍許入藏開設商埠藏事乃自此變更矣三十三年郵傳部尙書岑春煊始上統籌西北全局之疏請將邊藏分建兩省二十四年趙爾豐授駐藏大臣兼邊務大臣秋間乃會同四川督趙爾巽疏請設西甯為西甯府其地原為四部一曰衛即今達賴喇嘛所居之地中藏是也二曰喀木部今四川省邊外

察木多地方亦名曰康前藏是也三曰藏即今班禪額爾德尼所居之地後藏是也四曰  
阿里即極西之地也及前清時代利用宗教收藏爲屬地遂合衛及喀木呼爲前藏合藏  
及阿里呼爲後藏合前後藏總稱之曰西藏今者衛已亡矣藏已與英人立有條約矣英  
人幾不以藏爲中國屬土而以藏爲一國且改青海爲新藏又嗾使藏人夜郎自大向之  
政令由駐藏大臣主持今之政令大半英人暗中主持藏事若危青海亦有連帶  
之關係噫牽一髮動全身豈九州爲大錯藏事之不可收拾達賴不得辭其咎矣  
慕壽祺曰西藏與青海犬牙相錯唇齒相依尤有密切之關係英人窺伺西藏而青海爲  
入藏門戶其勢在所必爭故無論財政如何困難邊事如何棘手宜派知兵大員對於青  
海早爲佈置藏事或有轉機否則蜀不守陰平之險而終爲晉吞宋割燕雲千六州而卒  
成南渡苻堅未渡淝水而敗於謝玄項羽未守關中而滅於漢高祖前車之覆後車之師  
注意西北大局者可不借爲殷鑒耶

### 夏五月貴德廳熟番作亂循化營參將馬麒擊敗之

省西北二百六十里有貴德廳馬其熟番有爲不法者控

案據本管番僧古哇老詩俗所稱爲活佛者不惟不止禁且初護之總兵馬安良無可  
如何移牒署貴德廳同知余鼎銘請向寺院索人青海大臣準良復致函以獎勵之鼎銘  
少年氣盛謂擒賊須先擒王乃誘古哇入城掩而殺之其管家干督亦被擒旋保釋干督  
遂聚衆叛聲言復仇總督崧蕃檄循化營參將馬麒就近勦辦番衆懼綁獻首犯數人餘  
解散而其心終不服督署復委知府同鎮牲及同知裕端前往查辦以余鼎銘擅殺番僧發往軍臺

案貴德廳即元之貴德州也置吐蕃宣慰司明改歸德堡守禦千戶所歸河州衛管理清初改隸臨洮府其地北界西甯南界四川打箭爐東至捏工川東南至莽刺川乾隆四年改隸西甯府二十六年改設縣丞隸西甯縣五十六年改設撫番同知

慕壽祺曰甘肅非有戎狄之患患在因循容忍坐受其欺而不為之慮則狄之情日長而吾所以奮發有為之氣日益消沮而不能展其才間有淺薄躁率之夫則又負其一切之計不復度德量力猝發於未可嘗試之時後且潰敗決裂而愈不可救夫不深究乎利害得失之故徒苟安於目前以無事為

福此庸人之見也如余鼎銘者可謂妄人也已矣

六月蘭州黃河溢渰十八家灘自咸豐八年六月河水暴漲後歲慶安瀾人免其魚已

甚低於五月下旬為避禍計或遷居五泉之麓或編練大木為筏正進行間是月初一日被衝洩河沿各木廠之木漸塞桑園峽水有倒流之勢忽於初六日拂曉水南逼山根逆流而西黃河沿上所謂十八家灘者一時湮沒淨盡即東校場風神廟均為水傾圮新關城門用沙土包塞貫灘上逃出之難民皆聚聚五泉山不能得食總督升允派員施餅

後漢靈帝光和六年秋分城河  
水溢出二十餘  
里身次高沙壘  
馬碎石奔激  
電城中屋瓦皆  
震官吏人無  
敢言而城隍  
將民急而東  
居民悉遷尤  
成構水結筏  
水勢不久即  
耳

禹治水平滄  
命庚辰下支  
鄭於龜山下  
有其半則庚  
非亡是公矣

粥以活之號呼之聲遍於東南郊慘不忍聞有百歲老翁亦云如此浩災數十年來所未見也甯州粟鵬雲時肄業文高等學堂隨總辦楊增新上關城樓觀水一片汪洋波濤洶湧望十八家灘惟略見樹梢搖曳城外之水已及城腹暢家巷城壕水已與壕平有人乘門扇在水中拾物關外於房之騾馬及犬尙多繫絆正跳躍間房一倒即壓斃其中夜間學堂外之居人狂呼亂走云水將進暢家巷矣東方既明水始退意峽中塞木必有衝散者而水漸下矣延至半月之久十八家灘之水方始退盡而見平地焉

案桑園峽即蔡國峽在皋縣治東三十里黃河穿峽而過相傳禹治水至此見黃河泛濫

無歸以石峽之大為障礙也乃命人以斧闢之今兩崖壁立望之猶有斧鑿

痕大哉神禹德被蒸萌由是推之當日佐禹治水者世所傳庚辰黃塵鴻蒙

絲余夷堅大駭社章喬狂巨靈大章豎亥虞余意商童律兜盧犁婁烏陀陶

臣橫革直成昭明郭哀孟涂扶登與夫杜子業然子堪經子玉既子黯東里

槐伯封叔范成先亦可信其必有也

蘭州北城根之東二里曰水北門門外即黃河居民引汲督標五營飲馬於此又東二里水車一輪灌地二百餘畝又東有古長城基城高三丈厚半之缺者為窟土人於基址高

車初開東所屬十水  
 利也明嘉靖時  
 士參議里任  
 廣南河渠  
 時法於河邊  
 之注於河邊  
 製車倒河邊  
 澆力旋故用  
 水為水車近  
 解河水利長  
 會利所委黃  
 水利所委黃  
 以水車為各  
 商埠分設各  
 各埠分設各  
 是實於京各  
 說報使校商

峻感因地勢作樓殿祀老子曰祖師樓又名水車園水車三輪灌地六百餘畝又東曰教  
 場北並河港汊水車一輪灌地一千二百畝又東一里段家灣泉蘭段續官南方得水車  
 法始引河水車三輪灌地四百五十畝奇又東曰岸門水車三輪灌地四百二十畝奇又  
 汶河北岸曰大雁灘水車四輪灌地三百畝奇其南岸水車四輪灌地六百五十畝奇又  
 北曰小雁灘水車一輪灌地一百八十畝奇其北岸曰石溝灘水車一輪灌地一百九十  
 畝其東曰蘇家灘水車一輪灌地二百二十畝奇其北岸水車一輪灌地三十畝奇又東  
 曰張家灘水車三輪灌地二百八十畝奇又東有練家車邱家車曹家車王家車共四輪  
 灌地六百八十畝奇又東有劉家車灌地八十畝又東北岸曰段家灘水車二輪灌地二  
 百三十畝奇又東曰王家坪水車一輪灌地一百六十畝奇又東曰下段家灘水車一輪灌地  
 十畝奇又東曰東北曰鈞家灘水車二輪灌地二百七十畝奇又東曰劉家灘水車二  
 輪灌地二百六十畝奇又東曰高家灘水車一輪灌地二百畝奇又東南岸曰范家灣水車  
 一輪灌地六十餘畝又東曰傅家灣水車一輪灌地五十餘畝方家灣水車一輪灌地六  
 十餘畝北岸曰傅家灘水車一輪灌地五十餘畝船灘雙車二輪灌地九十餘畝南岸曰  
 蠻荆灘水車一輪灌地九十餘畝又東北曰南面灘東岡坊陀河水北注灘居其陰新車  
 一輪灌地一百餘畝中車一輪灌地一百二十餘畝下車一輪灌地一百  
 駝灘上車一輪灌地一百餘畝下車一輪灌地一百  
 餘。此東灘水車之利俗稱為沿河十八家灘也

秋九月開辦武備學堂

此堂候補知府楊增新所建築規模宏壯與文高學堂鄰中夾  
 織呢局其宗旨專為培植將才起見一切法置自富與軍營為

表裏凡戰陣攻守之策切實請求合中西為兼用即合文武為一途諸生務以遠大為懷將來造詣精深分符專闢悉基於此是進籌帷制勝疆場以仰副朝廷慎重武備力圖自強之至意

案此堂選驗學生格式一年歲限十八以上二十五以下內二品格須性情端樸素無過犯三出身須有切實保結除舉貢生監外確係良家子弟四志趣須誠心向學別無嗜好五學業須國文精通能作淺近論說六身長須五尺以上此按工部尺計算合外國尺一百六十生的密達七胸圍須在身長四尺五以上如身長五尺者胸圍須二尺二寸餘量時用皮帶尺或漲縮較小之繩繞胸之周圍以齊乳下前後適半為度八體重須一千二百六十兩以上此按湘平計算合外國平四十五磅羅九肺量須按胸圍漲縮差二十分之一以上如氣平時量胸圍三尺使之吸氣滿胸再量須過三尺一寸五分方為合格倘用日本所製之肺量器試驗則須在二千五百立方生的密達以上十手力須左右手各能提五十斤齊跨者如用日本所製之手力器試驗須二十五度以下未習武者二十度以上亦合十一目力須相距二丈能辨識七分之楷書字如用日本所製之目力表在有光處試驗須二十號以下十二五官須端正四肢須靈活體質須強健氣宇須軒昂言語須清楚喉音須宏亮耳力須靈捷課程修身科為盡人力身之積幹亦為全國立國之精神在堂諸生必使知有國乃能有家有家乃能有身必能修身乃能衛國衛國即以衛家如是則忠孝之心油然而生而軍紀軍秩及軍人之職分志趣皆得其本原而言之易入矣國文科與倫理歷史地理各科均有關係蓋漢文不通則各科無從指授僅通外國文而不能通譯國文亦屬無用且非愛戴本國之心故國文教員尤宜注重而教授捷訣則莫

如選讀之一法歷史科浩如煙海一部廿二史不知從何處說起學堂既以陸軍為名宜擇其有關治亂興亡之大概及歷代名將宿儒於其忠愛君上訓練士卒恢復疆土摧陷敵鋒凱切敷陳俾學者潛淪靈明振興志氣地理科於軍事所關最鉅宜詳考古今之沿革山川之形勢分省分府繪圖貼說庶胸臆悉羅乎全局斯指揮無誤於臨時算學科軍事中為用至廣凡夫考驗槍礮製造器械測量地界平治道路蓋庫橋梁無不賴乎算學是以深造有得推闡無遺方於行軍用兵之際人有裨益圖畫科與算學地理相為表裏於軍事尤為最要之科昔者沛公入咸陽鄧侯先收圖籍用以佐漢而立大功普人入巴黎軍士各有專識遠以勝法而稱強國今欲連籌帷幄決勝負下里必精於圖繪之學則夷險遠近如履戶關外國文科以目前學堂功課論與國文算學外國歷史外國地理皆有關係以日後軍隊致用論實為研究各國軍政軍略及分駐各國考求陸軍之根柢醫學科凡分兩等曰軍醫曰獸醫各國訓練陸軍於軍醫獸醫各設專門學校中國事當創始財力未逮僅於內堂功課增此一門雖規模不及各省究竟聊勝於無他如馬隊步隊礮隊工程及各種林操野操體操一切團攻和擊之法為外場功課考試共分四等一曰月考二曰假期考三曰年終考四曰畢業考每月由各教員自行考試所授功課為月考每屆暑假前由監督歷試所學功課為期考每年假前由總辦歷試所學功課為年終考每屆畢業由總辦稟請練兵處奏明派員考試為畢業考一評定功課按北宋國學積分法每題以二十分為度彙其總分數取平均分數以定等第一分數共分三種一功課分數二技術分數三品格分數功課及技術分數為承考各員歷次所定品格分數為監督督同各員教齋長平日所定每屆期考年終考畢業考必合臨場及平日各項分數一併核算以定高下惟平日分數不待考於臨場分數以酌度適宜為要

慕壽祺曰班書稱關東出相關西出將歷數天水隴西安定北地人物如李廣李蔡蘇建上官桀趙充國廉褒辛武賢慶忌皆以武勇顯聞即降至隋唐時代亦有偉入近世以來武備廢弛人材寥落非今人之不逮古人也自來人材之興衰恆與地理相表裏而地理則視都會為轉移者也當漢與隋唐之時建都長安甘省地居密邇風氣之所鼓動功名之所激勵雖在碌碌庸材猶思有以自奮况賢豪之依附青雲者乎宋元以降帝都遠徙同一甘省前則隸於邦畿後則淪為邊僻求如向日之人材輩出炳炳麟麟迭照耀於史册間者又惡從而得之今則材俊子弟萃於一堂其學業所成就或將益顯其恢奇而騰耀乎宇宙安見今必異於古所云耶

### 乙巳三十一年春正月甘肅保送知縣楊伯源等考經濟特科

自科舉停後各省開辦學堂青年知識份

子方注重於科舉而政府以國步多艱需材孔亟仿國初博學鴻詞例詔開經濟特科總督崧蕃保送知縣楊伯源縣丞易抱一赴京候考

慕壽祺曰夫物之有材者其精華之蘊神明之所固護而感惜不可以知力窺也蒙金以沙固玉以璞古人言之詳矣今所舉之經濟人材欲於風櫓中試其文字猶是暗中摸索况所舉者未必皆賢也時蘭州竹枝詞有橫吞學款八千多經濟果然出特科之句蓋為楊伯源作孟子曰為天下得人難信哉

### 二月停甘肅科歲考

甘肅學政以三年為任期第一年出棚按試曰歲考第二年曰科考考列一二等生員入秋闈再不錄遺秀才凡分三等曰廩生增

生附生考試亦分三等曰一等二等三等管理秀才之官曰教職分四等府設教授州設學正縣教諭及訓導自學堂設學政裁所有科歲試名目至此通令停止

夏四月文高等學堂學生魯效祖河州人等上書言國政被黜魯效祖等為青年有知識份子關心時事

嵩目民艱聞潘伯寅為請提前開國會事投海憤然曰彼丈夫也我丈夫也豈可緘默不言哉迺聯合同志上書省政府亦野人獻曝之意總督升允以為干涉政治論學堂提調楊增新開黜效祖等出關至新疆為上游所器重改革後各任重要職務

案春秋時子產不毀鄉校導之使言知其有裨於政也秦禁偶語禁腹誅其

如公理之不可遏何前漢太學生王咸舉辯以救司隸鮑宣會者千數後漢

黨錮禍起郭林宗倡太學三萬人從之當時公卿皆畏貶議北宋時生徒

毀政孰明蘇頌之心追逮歐年遽起民在之獄則太宗興學之功亦不可誣

也凌夷至於南渡而學校之干預政治正非一

幕壽祺曰前清學部定教育會章程凡出報演說俱不得溢教育之範圍教

與政劃若鴻溝矣惟是國勢蹙危智無能謀勇不足戰將帥為反噬之犬風

憲爲不捕之貓於斯之時下焉者持尊攘之說以仇洋爲忠憤上焉者援懷柔之義以媚外爲政策學生之旅京者以愛國之心迫而爲越俎之謀政府力爲抵制民十五年春國務院請求一案我甘肅知識份子抱一腔熱血灑於槍林彈雨中者亦有人

### 五月開辦師範學堂

令各屬州縣選送學優生員赴堂肄業每月給伙食銀八兩歲需銀九十六兩卽由該地方官批解藩庫由該學堂領給嗣因各屬有無可選送之區由省就近招募畢業各生亦不必盡充本籍教習此項攤款遂成各屬例攤之款初次開辦名爲速成繼改初級每年由各屬送學生六十名附設簡易科歲需經費銀一萬三千五百六十兩除各屬攤解津貼外計監學五員教習十二員書職雜役三十九名共需銀七千二百四十七兩由藩庫開支

案日本高等師範學堂組織甚完善該校本科係分四部第一部注重言文第二部以地理歷史爲主第三部以數學理化爲主第四部以動植礦物生理等爲主皆今日重要之學科甘肅擬派學有根柢之卒業生赴日本留學

甘肅教育及師範學校之現狀  
先入預備兩年再入本科三年五年後必有高等師範可用惟經學諸子學  
我有而彼無留學者宜於暑假年假內偷閒補習惟此項人才往返約在六  
年甘肅爲救急起見仿照日本設立速成師範

慕壽祺曰人才之出不外乎學堂教育之方莫先於師範甘肅文高等學堂  
所延教習大抵皆師範卒業者也省外中小各學堂現已督催一律興辦應  
需教習最少非百五十人不可若一概聘諸外省有以知其必不能矣於刻  
不容緩之時籌變通辦理之法令各府廳州縣選送進士舉人優拔貢來暢  
家巷師範館習算學并研究教授法比及一年可以服務鄉邦矣或謂速成  
科無人才請觀明治維新日人居顯要之位者非出身於速成司法學校也

哉

近日之學心  
以化以末本  
以是為非以  
為明數為真  
古不必讀書  
無正術于所  
為字與項者

作者學比山成  
辨同河漢對客  
談論經傳史  
上下貫穿數千

### 開辦存古學堂

為保存國粹而設也總督升允聞張之洞在湖北省城設存古學堂遂改  
求古書院為存古學堂聘學政葉昌熾為經學總教蘭州道王樹枏為史

學總教並定教  
授管理規則

案存古學校創自湖北就經心書院故址派江夏縣知縣陳樹屏量加修改

務合新式專聘博通經學及歷史諸子詞章各門學問之師儒擔任教授事

宜選取中學校優之生入堂肄業以三百人為度分為三班藉以造就人才

保存國粹湖南在籍紳士工科給事中馮錫仁翰林院編修汪概內閣中書

陶觀儀候補道孔憲教前甘肅甯夏府知府黃自元等請於高等學堂而外

另設存古學堂經署巡撫陸某奏明在案

纂壽祺曰中國數千年文化皆載於經甘肅為保存國粹設學校以尊經又

得葉鞠裳學使王晉卿先生擔任功課謂其將以用之也斯固典籍之幸也

餘學要傳不傳  
蓋學有原委故  
言之如此其精  
確也

讀經而不善用則猶其不讀也老師宿儒俱隱於山岩崖壁間新進少年趨  
新進化行見妄意紛更者藉口於易之變通甘心築逆者駕言於書之放桐  
假公羊復讎之義而稔兵革之禍學周公官禮之法而徵青笛之錢慕咨詢  
四岳之說而政權移於大臣援刑茲無赦之文而治世竟用重典恐號稱桃  
源之甘肅從此多事則適所以重經藉之不幸矣

### 法人白希和遊歷至敦煌

英人斯坦因氏竊取敦煌石室古物歸倫敦各國聲為至寶法人白希和氏步斯坦因之後塵遂往中國先至迪化詣

新疆巡撫得石室書一卷緘至安西州又得二卷最後至敦煌訪王道士竭力購買王道士者昔年私售石室古物於斯坦因氏者也王道士埋首空山孤陋寡聞不知古物之有何關係又不知現今文明各國有何批評仍以佛經目之惟索價較前稍昂耳白希和購得古物十大車其運去者今一大部分在巴黎國立圖書館日本學者聞風立即馳往自英法抄錄研究各報登載萬國宣傳北京士大夫始知敦煌所發見之古物係國家重要文獻各報館大為鼓吹良久北京政府始行文陝甘總督飭令將敦煌石室現存古物一概送交學部於是督署行文安肅道道署行文安西州州牧行文敦煌縣知縣陳澤藩飭禮房經承會同差役前往封存在王道士聞之大驚私謂其徒曰豈賣經之案發作耶其徒

曰師傅可無慮來此買經者一箇是英國人一箇是法國人最稀又來兩箇日本人遠隔重洋迢遙萬里移轉管轄對簿法庭有以知其必不能也及書差至笑而言曰多年無人過問之唐經北京城不知如何訪聞一經品題聲價十倍矣於是敦煌士大夫始恍然於佛經之有用乘間竊取書差亦不之禁連至縣署其籍者爲陳澤藩留存其餘灑猶將萬軸派差貴至蘭州又久之總督派員禁至京而達官名士巧取豪奪其尤精者多入私家今存教育部圖書館者約七千軸又各人選擇之餘也然當時學部所收存者盡非舊有日本人續往訪所得亦千計其屬於儒書一部分確振玉影印者不少然此中十九皆佛經現已發現多種爲今佛藏中所無者且經典外之雜件如地券信札等其年代最古者以符秦時忘其年以千餘年前之古圖書館一旦發現不可謂非世界文化一大慶也世傳遺物今已散在各國並一總目錄而不能編集也

慕壽祺曰最近古籍之發現其大宗者則爲甘肅之敦煌石室中以符秦時物爲最早有唐一代爲藏佛經之數西夏道元吳取敦煌則改爲藏書府僱外今之大圖書館也上下千數百年間何藏之久而完全無恙也蓋敦煌地高而寒絕無潮溼可藏者一石洞深邃寺門常閉可藏者二水火兵戈所不到處可藏者三地處邊遠窺伺無人可藏者四天欲保全中國歷朝古籍將爲世界各國作研究之資於是風起沙飛埋藏土中又歷數百年始發現於外人之手敦煌石室之名乃大彰於天下白希和氏遊至此精華已爲斯坦因氏滿載而歸矣然其裝連十大車豈非所謂取之不盡者耶

### 六月省政府令催甘肅各州縣修志書與勘土志

志者史之流也扶風作郡國地理志厥後皆因之江

淹言史之難無逾於志而吉甫輯元和郡國志及國計簿謂爲政初不外是舉凡山川疆域之形勝風俗政務之流歷任官師之賢否選舉科目之區別以及孝子節婦流寓人材縷晰條分瞭然如指諸掌使後來者覽輻員扼塞則周知險阻控御之宜攷戶口賦役則備悉安輯拊循之要稽學校選舉則深思培養作育之原可以鏡曩昔即詔來茲而興利除害亦次第易行矣又前清規定學堂章程所列初等小學堂學科於歷史則請鄉土之大端故事及本地古先名人之學實於地理則講鄉土之道里建置及本地先賢之祠廟清跡等類於格致則講鄉土動物植物礦物凡關於日用所必需者使知其作用及名稱蓋以幼稚之知識遠求高深之理想勢必鑿柄難入惟鄉土之事爲耳所習聞目所常見雖街談巷論一山一水一木一石平時供兒童之嬉戲者一經指點皆成學問其引人入勝之法無逾此者切正欲知一縣之沿革史政績錄兵事錄書舊錄以及人類宗教地理物產皆於鄉土志是賴甘肅各縣志書皆修自乾隆年間及經同治兵燹板燬於火今圖書館所存者三十餘縣而已鄉土志並未成書內務部屢催甘肅修各縣志以備攷查而免遺妄省政府分令各府廳州縣迅速修纂欽道州鄉土志先成

慕壽祺曰甘肅志書胡可泉志秦安趙俊谷志平涼筆彙簡潔與康封山相伯仲王漁陽時稱贊之有以哉今則文體已變國勢垂危所貴乎縣志者述已往詳現在關係將來言淺而明處處爲人民謀生計整理時用科學方式則更上一層矣使必如可泉俊谷之所爲古語雖自愛令人多不彈謔時務者其在俊傑乎

慕壽祺曰隴右方志書最早者南北胡分治之時敦復開闢撰十三州志唐

前朝三邊原州  
劉雲一乃太  
志序云一乃  
志由人張氏  
德所撰一乃  
海州王學伊  
原州王學伊  
志時在民間  
據者甚多志  
取者甚多志  
池北偶談傳  
其平涼府志

張素撰敦煌實錄斯則成其不利永播來葉蓋其言皆雅正也其有異乎此

者則人自以為樂土家自以為名都競美所居談過其實又城池舊跡山水

得名皆傳諸委巷用為故實為劉知幾所不取有明中葉胡可泉志秦安趙

浚谷志固原前代志書之弊庶幾免矣而又失之太簡現在新修縣志及鄉

土志人民方面宜詳言之中國大勢所趨不得不然耳

### 秋九月甘肅設全省巡警總局

總督升允在蘭州省城陝西巡警總局創設巡警總局於城  
關地方分設十局職任各異其詳見卷全省警務因時制宜

提調幫辦一切並稽查款項出入文案收支總巡校對審判其七員教習二員紳士一人  
十分局文武正副巡四十員教習十員紳士十人各專職守互用巡查此外總分各局巡

兵共四百六十名分段輪巡其各府廳州均照奏定章程各就地方繁簡設立局所員兵  
輪流核巡而消防隊馬巡隊之設備請以待諸他日至拉拔箱清道夫已應有盡有矣

案保甲始於宋歷代相沿以至光緒末葉甘肅省城設保甲總局以候補道

為總辦城關設分局以州縣為委員各府廳州縣均照總局章程分別辦理

亦市人清吸色運高  
情運推道車用警土日  
潔十之夫三紅局車保  
之出招到大大綠局駕平  
一城搭車字字寫以局  
法是為圖用拉畫馬有

其各鄉鎮由該管長官委公正紳士就地地方繁簡設立局所酌用巡丁經費自行籌畫遇賈明有可督率保甲人員稽查盜匪維持秩序未始無益於地方但行之既久流弊叢生有編查之名無保甲之實則不得不改爲巡警爲內務之一大部分甘肅巡警之設本保甲舊制而變通之擴充之以粉飾耳目並未先期預備亦無專門人材如果挑選幹員送北洋警察學校虛心研究省城設立速成教練所俟畢業後分段站崗責成既專隱以兵法部勒之斯則管理者所宜悉心措法也

又案拉字字書未見扱者以箕斂物也曲禮凡爲長者養之禮必加帚於箕上以袂拘而退其塵不扱長者以箕自鄉而扱之衆物和雜俗曰拉雜後因有塵土之義改用土旁而爲拉圾此二字沿用已久夢梁錄諸河有載拉圾

糞土之船又每日掃街盤拉圾者支錢糶吳語謂塵土堆積曰拉圾音臘剛  
省城近有拉圾車皆巡警局所置以輸送穢物

慕壽祺曰巡警非自泰西始宋史王彥昇爲京城巡檢使夜詣王溥第曰今  
夕巡警甚困東京夢華錄每坊巷三百步許有軍巡鋪屋一所鋪兵五人夜  
則巡警及領公事明代巡警之制較前稍嚴亦第行於都城清標兵組織暗  
與巡警合如蘭州城守營堆房有岡位救火有器具特無警察專門之學識  
耳

丙三十二年春正月改蘭山書院爲優級師範學堂

先是三十一年已開辦速成師範學堂一年卒業分發各高小

學校充當教員至是又開辦優級師範學堂其校址卽向之蘭山書院也

慕壽祺曰各省設立學校亦有年而成效仍未著者則以無師範故目前所需用者尙  
止初高等小學之教習學科程度並不高深物色此種教習已正難得而欲得優級師範

之師範則難而又難甘肅設優級學堂造就師範人材固根本中之根本也惟所延教習是否皆品學兼優之人是又一問題矣

### 二月甘肅初設提學使

自甲辰會試後設提學使一員至是以陳曾祐為甘肅提學使

案清初設陝西臨鞏學政歸巡按甘肅御史兼攝後歸臨鞏道兼攝康熙二年以該道事繁歸西安學道管理西安舊設提學道後學道學院兼出二十三年議准凡由翰林科道任者即為學院由部屬等官任者則為學道五十年後俱為學院移駐三原三年一度按臨甘肅舉行歲科兩試光緒元年總督左宗棠奏請甘肅分闈添設學政次年簡放駐劄蘭州三十一年裁撤改設提學使

慕壽祺曰甘肅漢蒙回番雜處其間諸俗異習尚各別漢教備術回習天方蒙番崇信佛教亘古至今未之有改自設學政以來垂三十年矣而文化毫無進步者蓋士子有用之精神半消磨於八股試帖小楷中也今則學校之中注重科學文治之隆可計日而待矣

### 附錄乾隆以前陝甘學政姓名及任命年代

楊

敬 順天宛平人 順治二年任

呂雲藻

山西臨晉人 順治四年任

田厥茂

山西蒲州人 順治七年任

諸舜發

江南上海人 順治十一年任

秦才管 江南南陵人 順治十二年任

馬之騃 直隸東光人 任 順治十六年

王功成 山東博平人 康熙元年任

徐明弼 江南蕪湖人 康熙三年任

呂和鐘 山西長治人 康熙六年任

鍾朗 浙江石門人 康熙九年任

洪琮 江南休甯人 康熙十二年任

楊西狩 江西人 康熙十五年任

葉映楸 江南上海人 康熙十八年任

余陳琛 浙江錢塘江人 康熙二十一年任

許孫荃 江南合肥人 康熙二十三年任

張光豸 直隸南宮人 康熙二十七年任

高爾公 江南武進人 康熙三十年任

武之亨 湖廣孝感人 康熙三十二年任

陸德元 江南長洲人 康熙三十六年任

祕丕笈 直隸古城人 康熙三十九年任以前俱學道

胡作梅 湖廣荊門州人 康熙四十四年任學院

劉凡 江南穎州人 康熙四十二年任學道

汪瀨 山東臨清州人 康熙四十四年任學院

趙晉 福建閩縣人 康熙四十五年任學院

江鼎金 湖廣荊門州人康熙四十六年任學道

宋 斌 江西高安人康熙四十八年任學道

潘從律 江南溧陽人康熙五十一年任以後俱學院

王雲錦 江南無錫人康熙五十二年任

覺羅逢泰 滿洲正黃旗人康熙五十六年任

王 馨 江南太倉州人康熙六十年任雍正二年再任

楊超曾 湖廣武陵人雍正五年任

朱曙蓀 四川定州人雍正六年任

潘允敏 江南溧陽人雍正七年任

甘肅學政題名

許應騫 廣東番禺進士兵部左侍郎光緒二年任

鄒衍熙 安徽英山進士翰林院編修光緒五年任

陸廷黻 浙江鄞縣進士翰林院編修光緒八年任

秦澍春 直隸遵化進士詹事府右贊善光緒十一年任

胡景桂 直隸永年進士翰林院編修光緒十四年任

蔡金臺 江西德化進士翰林院編修光緒十七年任

劉世安 廣東駐防旗人探花翰林院編修光緒二十年任

吳廷綸 江蘇人光緒二十四年任在任甫一年以丁憂去

夏啓瑜 浙江人翰林院編修  
光緒二十五年任

葉昌熾 江蘇常州人翰林院編修  
光緒二十八年任

三月開辦農業試驗場 分內外兩場各有售出茶蔬等項  
外場又有織成清蒲亦照市價售出

夏五月省城勸工廠出售製造品 奇技淫巧盛世不取自海禁大開洋貨輸入精良適  
用實為古來所未有人情日趨奢靡樂好所歸不脛

而走各省講求製造依法改良新益求新奇外出奇併力相爭希圖抵制甘肅僻遠風氣  
未開日用所需皆仰給外省值此商戰世界若不亟圖自立保我利權亦財政界之大障

礙惟士曠人稀鄉民得食甚易執藝者少光緒三十二年開辦勸工廠分設各科徵各屬  
農民聽穎子弟入廠學習月給口食學成以後各歸各屬提倡推廣復設農林商礦兩學

堂官紳商民子弟均准入堂肄業數年以來漸著成效有依舊製而改良者如裁絨科之  
織毛毯銅器科之打造器具鐵器科之改良農具是也有為舊日所無而創造者除玻璃

科因銷路不暢現已停製外如鹵漆科之製造什器製革科之製造皮包洋式皮鞋皮靴  
及零星貨品織布科之紡織外來大布花布綢緞科之織造各色甯綢摹本庫紗天錦緞

及各樣花瓣絲帶蒲葦科紙盒科之製造各項用品木器科之創造機關水繪螺絲水龍  
之類是也其宗旨不外就土產之原料仿外來之製法所有新舊貨品列表於篇末

慕壽祺曰泰東西諸國以中國為銷貨場中國二十餘行省又以甘肅為銷貨場蓋工藝  
不興久矣夫工藝者富強之本先王重之周禮以九職任萬民五曰百工飭化百材拓製

造也六曰商賈阜通貨賄拓商務也孟子之策王道也極言天下之商藏於王市之利與  
不通工易事自為而用之害司馬遷之傳貨殖也深斥老子鄰國不相往來之說而推極

於太公強齊人物輻湊之功現今世界各國以商戰為競爭苟無工藝將何以戰故工藝精則國富否則貧工藝精則國強否則弱甘肅亦中興之一大行省人民之勤苦原料之充足事事與工藝相宜惜無人為之提倡耳今欲轉弱而為強化貧而為富當舉工藝廠所成之各種出品設肆出售誠前此所未有也果能精益求精日進不已可與東南各省並駕齊驅矣

### 秋七月設法政學堂

先是光緒十五年蘭州府發審局內附設學吏局其經費由釐金局每年籌撥銀四千二百兩二十六年改為學律館移設臬署西

花廳所有發審局學吏局正佐各員一律入館學習吏治其各員原額津貼改作該館經費每月分別等第依次給獎二十九年改為課吏館經費仍舊二十二年改課吏館為法政館添派提調管教各員並設講堂認真教授每年由藩庫添銀一千兩統捐局添銀三千兩連前共需銀八千二百兩宣統元年復奉文改為法政學堂移於城內西大街添聘教員並准本地士紳入堂肄業分作官紳兩班除舊日領款不計外復由統捐局每年添撥銀四千兩共銀一萬二千二百兩

幕壽祺曰甘肅法政學校舍政治而研究西律夫坤輿廣袤九萬里法學流別數百家地域攸殊法例遞變歐法本羅馬美法本英國既同歸而殊塗法儒主理想德儒主歷史復一致而百慮習英倫之先例則索那翁法典之疵染美洲之校風則詆震旦刑律之失矧復屬人變屬地貴君變貴民習慣變成文單行變成典從言徒俗說本乎曲臺世重世輕義衷乎周簡惟是新學廣博渺無際崖以英儒麥因之淹通而討論只及於天竺以德儒可拉之聰慧而燭照且疲於亞東現在吾儕知彼尤難今欲樹士林法學之階梯作他日

法規之繩墨則必慮牟六合者饜羣言權度從違鈎稽同異融井蛙  
夏蟲之見通東騁西鷄之郵收萬國法而比較之請以俟諸異日

### 是歲甘肅政府始將中衛擦漢布魯克鹽池由公家承租

年給池租中平銀一萬兩並在中衛一條山兩

處創設官運局所有該池之鹽年定運額六萬馱按中六條四由蒙駐分交中條兩局收  
倉儲銷又於三十四年以銀五百兩將蒙旗之同湖池繼續租來復於是年又將那林哈

克鹽池和屯鹽池札克土鹽池巴音布魯克鹽池雅布賴鹽池昭化寺紅鹽池諾爾七布  
魯格鹽池巴音達賴鹽池共八處相歸官有計銀三千兩其釘合同三張計擦漢布魯克

合同一紙同湖池合同一紙那林哈克等八小池合同一紙所租各池除擦漢池鹽運中  
條兩局存倉銷售外一面開放和屯池將鹽稅連葉昇堡定遠營儲銷與同湖池昭化寺

紅鹽池雅布賴等池之鹽均屬就池徵稅其餘各  
地均在封禁之列不得任蒙民有偷撈私運情事

幕壽祺曰甘肅產鹽之區曰池曰井製鹽之法曰煎曰曬漳縣西和均賴煎熬日出鍋數  
定有限制以永融化中含泥質厥味准薄厥利無多如哈家背臺近八盤人力所造是為

土鹽惟擦漢池與大花馬池西有青海皆出天然味正而厚色淡而青所產之鹽方圓肖  
形自然凝結不假人工池在蒙番其利無窮生生不息謂有根株地不愛寶語非虛語金

城古郡遠隔朔方公家承租利歸私囊稽  
查不易徒喚奈何人心如此復何言哉

甘肅省權運局  
阿拉善特別旗札薩克和碩親王政務處

### 訂立續租蒙旗擦漢布魯克鹽池同湖

那林哈格雅佈賴巴音佈魯克昭化寺諾爾圖佈魯格巴音達賴札克土以及包魯爾等鹽池共計拾處合同

**第一款** 擦漢佈魯克等十處鹽池原租合同期限早經屆滿現經雙方協商仍行續租自民國二十二年一月一日起至民國二十四年十二月滿日止以三年為期

俟三年租期屆滿再行續訂

**第二款** 擦漢佈魯克雅佈賴等處鹽池租價原議定每年共付銀洋壹萬貳仟元因本屆蒙旗軍政教育等項需款孔急故每年增加叁仟元共計洋壹萬伍仟元其

全年租價議定分兩期交付自一月一日起至六月滿日止六個月為上半期自七月一日起至十二月滿日止六個月為下半期其交租日期以本限期滿時交清遇有蒙

駝運鹽不足合同內載額定叁萬駝數時應按短少之駝數扣減池租長運則加之

**第三款** 擦漢佈魯克鹽池每年運額原議定為貳萬玖仟馱因本屆續租合同池租增加故駝數每年亦增加壹仟馱共計叁萬馱本屆續租議定仍按冬七春三分

配運如果蒙古駝隻不足應由漢駝隨時入池幫運如有駝運不足不許扣減池租雅佈賴鹽池挽運涼州權運分局每年運鹽隨漢駝下池裝運

**第四款** 如果因蒙地亢旱駝隻短少或其他事變經甘肅權運局認為不能按照本台同第三款所定挽運足額時應令漢駝隨時入池駝運其運數日准計算於擦

漢佈魯克池年  
定額數之內

**第五款**

撥漢佈魯克鹽池挽運一條山者每司碼秤一百劬由局發給脚價現洋一元八角由雅佈賴池挽運涼州局者每司碼秤一百劬由局發給脚價現洋一元

二角不得以期絲米麵貨物作抵並由甘肅權運局製發收據隨時照填由駝戶畫押蒙員蓋章按月由各收鹽分局按期呈報主管機關查考以杜積弊

**第六款**

撥漢佈魯克運額原議先儘蒙駝挽運若蒙駝運不足額得由條局僱漢駝入池幫運蒙人不得阻攔但遇第三款第四款情形時不在此例惟漢駝所運數

目仍須併入叁萬馱數之內計算倘該條局所僱漢駝係專為運鹽者並非持票下池者其應付撈鹽工價與蒙駝受同等待遇每駝僅付洋五分每駝裝鹽不得過三百劬

**第七款**

各收鹽局轉收蒙駝挽運之鹽在開始租池時原訂合同聲明均用較准庫平官秤上刻蒙漢合照文字以杜流弊嗣後改用司碼秤稱收比較庫平官秤每

百劬計大五劬此次續訂合同各收鹽局仍用司碼秤稱收不得另有加重如果蒙駝遇有疑心秤面不准時得由駐局蒙員呈請各收鹽局長隨時用原日刻有蒙漢文字

之庫平官秤當面較準以昭大信

**第八款**

撥漢等池應交租銀原定指撥中衛鹽局按照中平足色發給現銀此次續訂合同所有租價已改為銀元由甘肅撥認均用通行銀洋交納並由甘局按認

付數目直接撥付但得因雙方之便利商由  
認付局指定某分局或其他機關按月撥付

### 第九款

撥漢佈魯克等處鹽池並條雅各局均駐有辦事蒙員並蒙古提秤  
員書記達康爾達爾古等項名目其職務係公平提秤收鹽並管備駝運幫同  
巡私等事每月應領薪工由甘肅推運局按照漢員薪額比例支給以示優待惟每月  
應由各蒙員親自簽名蓋章不得遣人代領及由某人代為借支以杜混冒否認之弊

### 第十款

撥漢佈魯克等處鹽池此次繼續租歸甘肅推運局官辦所有鹽池一切進行  
事宜應由甘肅推運局辦理蒙人不得干預如蒙民等有私偷池鹽者一經查  
出除將鹽助及馱鹽之駝隻一律沒收充公外並將私販由各局長會同政務處  
按現行私鹽治罪法處理倘有爭鬥情事亦由各局長會同政務處從重懲辦

### 第十一款

本合同所租十處鹽池全在蒙地偏僻之區常有蒙漢民騷駝戶等就池偷  
私被駐池員司捕獲及至解署核辦行至中途每被蒙漢民強劫而去非有  
緝私隊兵保護私犯難出蒙境茲議定凡鹽務隊兵因追捕私犯或解送案件須經過  
蒙境者由該隊兵自帶帳房糧秣擇地宿息不准進入蒙古房子倘有擅入蒙房及妨  
礙牧場各項牲畜者准由蒙民捉獲送交蒙旗政務處會同就近鹽局訊  
明確實從重罰辦蒙民對於鹽務緝私隊兵亦不得故意歧視妨礙緝務

### 第十二款

撥漢佈魯克等池應由甘肅推運局委派委員駐池運放鹽助嗣後此項委  
派之放運員司應隨時會同駐池蒙員和衷辦理一切事件凡遇蒙駝到池  
裝鹽無論來駝多少隨即發票裝鹽起運不得仍前  
勒令等幫發票耽誤蒙駝久躡時日致滋退縮不馱

第十二款

近來各處兵差絡繹各軍各縣任意捉駝支差以致蒙駝畏懼不運池鹽前經甘肅省主席通行各軍各縣不准強拉運鹽蒙駝並發給保護旗幟在案

此次續訂合同應照舊由甘肅樞運局呈請甘肅省政府主席通行各軍各縣不准強拉運鹽蒙駝並由甘肅樞運局派鹽巡隊往來保護運鹽蒙駝以資保障而免蒙駝畏

縮不

第十四款

擦漢等處鹽池既租歸甘肅樞運局辦理各池之封禁開放仍由甘肅樞運局會同阿拉善旗政務處商辦

第十五款

楊山頂地方為蒙古私鹽運入漢地之要道以後甘肅樞運局應派巡隊駐守以資巡緝獲之私鹽凡屬蒙民一律由甘肅樞運局或分局會同政務處

從嚴處辦但漢民由甘肅地方自行辦理蒙民不得干涉

第十六款

蒙民常藉口食鹽及喂養駱駝向各鹽池任意索鹽動輒一二百觔及細察其用途蒙民常以鹽易糧私運內地不惟影響稅收甚且紊亂緝務茲為優

待蒙民起見仍不加限制但蒙民亦不得任意需索

第十七款

本合圖現經核定通用蒙漢合文照繕三紙由甘肅樞運局暨阿拉善旗政務處雙方鈐印並由辦事人員署名蓋章以一紙呈甘肅省政府備案一紙

存甘肅樞運局一紙存於阿拉善旗政務處按照實行

第十八款 本合同成立後雙方不得於期限未滿之前另立名目混攪上  
述各款之進行倘有特別原因必須雙方磋商定妥方為有效

甘肅省運運局局長

甘肅省權運局代表

阿拉善特別旗札薩克親王政務處

中華民國二十一年一月一日

冬十一月甘肅設銅廠於審街

甘肅以各省銅幣原原而來欲自行鼓鑄以免利權外溢農工商鑛局總辦蘭州道彭英甲訪得平番縣屬審

街之鳳凰山產紅銅苗甚旺飭由工師以土法化驗云甚好總督升允咨部立案彭英甲大張旗鼓一面在審街建築工廠一面倩比國參贊林阿德代購挖銅淘金織呢各機器

林阿德屬比國化驗師賀爾慈來甘助理所有要求條件一概允許當由彭英甲會同甘肅布政使司布政使豐申泰按察使白遇道比國參贊林阿德訂立合同時光緒三十二年十二月二

年十二月二  
十二日也

是歲蘭州初設商務會

舉談廷瑞為會長選會員四人  
各廳州縣分會先後一律成立

案周書云農不出則乏其食工不出則乏其事商不出則三寶絕虞不出則

財匱少此四者民所衣食之原也故待農而食之虞而出之工而成之商而

通之此甯有政教發徵期會哉人各任其能竭其力以得所欲故物賤之徵  
貴貴之徵賤各勸其業樂其事若水之趨下日夜無休時不召而自來不求  
而民出之豈非道之所符而自然之驗耶然而商情散渙且與津滬相隔甚  
遠不能不設一機關以策進行而便聯絡蘭州商會之組織蓋亦當務之急  
耳

中國生計之學秦漢以來闕焉不講上下數千年除周官管墨外無有知商  
工理財之政策者除司馬遷外無有知貨殖之應列史傳者雖士農工商古  
稱四民而三代後英君哲相所爲福國利民之策不過曰選士而已重農而  
已至於工商則賤視之方且以爲崇本抑末之道固應如是無惑乎工商業  
之庸窳萎敗以至於今也前清常列強並峙商戰劇烈之時激於大勢始設

民國初中央對  
於工商事業思  
其失款人訂  
法其遺款人訂  
補助費本君才  
智術除本君才  
為入手之方發  
通告全圖召集  
工商各團體的  
事來進到國議

商部繼改農工商部甘肅商務總分會亦相繼成立而閱時不及十年成效未著民國初建造成共和共和者以平和實利為精神者也欲達此平和實利之目的合振興實業更有何道之從顧默察吾國工商之大勢其所以失敗者在上則無完全之法律以為保障也無專精之人才以為倡導也交通之不盡便利也稅法之足生障礙也在下則無鉅大之資本以供企業也無普通之智術以資營業也無堅確之團體以謀共進也坐此諸弊致使吾西北天產之富地派之厚人工之廉占工商界上最優之數點胥歸無效而復日與歐美之經濟家技術家相遇猶之驅鳥合之市人以當桓文之節制其不覆沒者幾何矣

丁三十二年設青海墾務局

時青海擬設行省由陝甘總督及西甯辦事大臣協商以甘肅庫儲支補且蒙番風氣未開議定先在青海蒙番地

方查荒招墾以爲分省基礎由西甯辦事大臣督辦派委總辦提調翻譯各員經理招募馬隊四十名於宣統元年閏二月開辦又以兵力不敷分布調派西甯巡防步隊一隊以資彈壓二年三月經西甯辦事大臣奏准由甘肅司庫羅糧變價項下歲撥銀三萬兩作爲常年的款旋裁總辦添派委員定章三年後升科分上中下三等承糧所收之糧以六成歸入公家以四成賞給蒙番所有經費除巡防兵餉由該營領支外其餘薪餉墾費均由司庫領款內開支係地方經常支款向歸內銷

案青海墾務章程甚爲詳細議者謂行政以墾務爲最難而青海開墾則尤難至青海開墾之經費則尤難乎其難顧蒙未啓地廣人稀一旦墾荒事多掣肘其難一蒙番錯處撫馭維艱手續疏虞動率邊局其難二青海土著蒙番十九面漠無一二其生計觀念仍守四千年游牧古風不知稼穡爲何事既欲開墾不得不在內地遷民既欲遷民不得不如籌經費其難三新墾地畝民產攸關蒙番悍獷性成難保無劫掠覬覦等事况此次開墾非其本意懷疑觀望羣存抵抗之心雖未便遽以壓力相加然亦不得不略用兵威以





且任陝甘總督兼撫陝之事

董少保軼事與馬壯節公不遠固原州城並傳不朽且皆為固原人馬壯節事見乾隆五十年

酒酣客醉話同治時事舌鋒肆出酬答泉流願盼自雄英姿颯爽猶想見沙場征戰時也使遇相國如張江陵者安知不為繼起之威人將軍耶

葛壽祺曰董福祥聲威懾耀功過分明雖婦孺亦皆知之茲紀其軼事一則

福祥家本小康回亂中落遂聚聚自樹兵食不足劫掠亦時有環縣民團以

福祥偉幹伉爽羣奉為魁後為安化縣把總王藹臣所擒備受荼毒以沸水

澆之自頂至踵糜爛委而棄諸野而福祥夙昔能恤寒賤德者不乏人一老

嫗日為饋食且以池泥敷傷處一日向嫗曰姥曷撥視余目盲否嫗曰不盲

曰不盲則不死余尚有為也池泥本能治火傷數日遂起後投劉松山營克

金積堡隨劉錦棠出玉門關身經百戰傷痕遍體甲午提督哈什噶爾以祝

孝欽太后暇入京路出涇州涇州營都司即同治時擒福祥之把總王藹臣

也福祥召至行臺與之飲置往事不問視李廣召殺霸陵醉尉其氣象迥不



夏四月西藏達賴由西甯入親道經蘭州小駐

英人於光緒三十年遣兵西藏達賴與戰大敗出西藏原欲從庫倫入

俄乞援事聞於朝令達賴入京親見至是由西甯塔兒寺進省

案前藏疆域在西甯南三千六百七十里成都西南六千四百七十五里東至甯靜夕松工二山交巴塘界西至阿里交拉丹界三千二百里通津噶爾要隘南至英甯交洛塘生

番界北至木魯烏蘇噶爾藏胡又交青海番族界至由西甯通藏路程另列表

又案西藏在甘肅四川雲南徼外古和夷地三代後未通中國唐有吐蕃弄贊者始遣使來朝既而滅吐谷渾盡臣諸羌幅員萬餘里宋亦號吐蕃元置烏斯藏郡縣其地以吐蕃

僧入思巴為大寶法王帝師領之明洪武六年以攝帝師為國師永樂中復封番僧為大寶法王大寶法王等凡八王後有僧號達賴喇嘛班禪喇嘛者又在藏王之上達賴駐

前藏班禪駐後藏清順治九年來朝授為西天大善自在佛康熙五十七年準噶爾與師侵藏大兵討平之達賴駐拉薩主持黃教其聲勢在班禪之上餘見首卷之達達賴喇嘛

傳及第六卷貞觀八年冬十月吐蕃遣使入貢注

慕壽祺曰西藏為中國之領土自有完全主權亦自有完全責任雍正四年

以副都統瑪拉內開學士僧格為駐藏大臣六年三路出師送達賴至拉薩

中國對於西藏之統治權由來久矣迄乾隆五十七年釐定廓爾喀之亂  
福康安奏土毅和卓惠齡等議定藏事章程於次年頒布之舉凡西藏內政  
外交與夫該地方之大中邊各營中政府皆直接管轄固世界所共聞者也  
民國二年泰晤士報謂中國乘一九零四年條約之結果取得西藏統治權  
殆不明事理之囈語矣

秋七月省政府派員往青海加里科測繪銅鏡

此街銅廠開辦後比國化驗師賀爾  
慈以原勳銅鏡距煤洞甚近而銅

色微黃以之鼓鑄銅幣恐不易行使訪聞加里科地方有鎳山係祁連山之小支派銅色  
紅比姚街所產更上一層商同總辦彭英甲由在政使司委候補府經歷李長林偕同賀  
爾慈及鑛師職什保於七月初十以前在西甯取齊前往加  
爾里科勘驗詳見副編道路志卷下李長林察礦路程記

慕壽祺曰青海一隅世稱為祕密區者以輪軒所不至耳士大夫嘗集西甯  
足跡多不出城軍官奉命追匪馳逐於冰天雪地中所見與內地殊而馬上

無紙筆雖欲紀載末由也李長林不憚艱險往加里科察礦由西濱首途時  
青海大臣加派緝譯此行爲不虛矣惜緝譯程度太低僅紀地名而已礦苗  
雖旺甘肅金庫已一空如洗道途懸隔又如彼其遠雖欲試辦有以知其必  
不能矣

案清史德宗景皇帝諱載恬穆宗從弟也同治九年生穆宗崩無子奉皇太后懿旨以醇  
親王弈譚子入承大統改元光緒前御史舉龍吳可讀以尸諫太后以其奏疏藏之鐵匣  
俟帝有子爲穆宗毅皇帝之嗣議既定兩宮仍臨朝聽政一如同治時例帝親政後奮發  
感激欲變法自強戊戌用康有爲梁啓超譚嗣同林旭劉光第楊銳譚深秀等參贊新政  
立除積弊太后囚帝溥儀二次垂簾聽政光緒三十四年  
冬帝崩無子太后又以醇親王載灃子承繼是爲宣統帝

己酉 宣統元年春二月籌設甘肅各審檢廳

司法獨立行政官不得收受民刑訴訟中  
央三令五申甘肅未便再延升允令四道

會議議決在省城陸廟後建高等審判廳暨同級之檢察廳道門街  
建蘭州地方審檢兩廳暨模範監獄南府街建皋蘭初級審判廳

案成皇帝於載字輩分以下續選溥統恆啓四字宣統醇親王載灃之子名溥  
儀顯皇帝於啓字以下又選用濂閔增禧四字按次命名未及合名而國亡矣

升允謹守有餘  
一不之實臣固  
一不不合臣固  
一不不合臣固  
一不不合臣固

雖橋便利極矣  
一利必有一弊  
一利必有一弊  
一利必有一弊  
一利必有一弊

### 夏五月總督升允著開缺以伊犁將軍長庚代之

升允奏事加附片陳明新政情形略言近年以來法窮則變力

圖自強制作紛紛豫備立憲固屬刻不容緩之舉惟不求其本徒襲皮毛舍中國數千餘年相沿之成法與我列祖列宗建國之方略事事步武泰西而又操之過急竊恐新章所練之陸軍他日皆成敵國保甲所改之巡警將來變為匪徒徒抱杞憂略陳梗概云云帝以阻撓新政著即開缺以長庚繼任

### 詔以布政使毛慶蕃護理陝甘總督

升允因事去職詔以伊犁將軍長庚補授陝甘總督長庚未到任以前以甘肅布政使毛慶蕃

護理慶蕃性命於陽明之學辦事認真器吏望風生畏

### 六月改鎮遠橋為鐵橋工竣

蘭州北門外浮橋本名曰鎮遠其法以船二十四隻聯綴而成上覆以板車馬暢行無阻河漲則橋高水落則橋低

明徐橋記濟齊世武稱爲天下第一橋蓋設河橋同知專司其事後同知被裁歸蘭州府經理兼辦向黃河商販小筏抽收修橋經費光緒三十二年改辦木料統捐額定每年由統捐總局籌銀五百兩發給經理作爲津貼銀五百兩照舊由統捐局開支事及鐵橋巡勇仍由經理管理向支津貼銀五百兩照舊由統捐局開支

案奉蘭縣志鎮遠橋在縣西北二里黃河上明洪武五年宋國公馮勝建於城七里以濟師越四年移建於縣西十里名曰鎮遠十八年守禦指揮楊廉又移建於城西北二里金城關用巨舟二十四艘橫互河上架以木梁欄以板圍以欄南北兩岸鐵柱四木柱四十五鐵欄二各長一百二十丈綜麻草繩各相屬冬拆春建爲通河西要路弘治初年馬文

升言陝西之路可通甘涼者惟蘭州浮橋一道敵若據此橋則河西隔絕饑運難矣國清  
 因之橋事舊係蘭州同知專司乾隆三十六年裁缺四十二年設縣主簿司之道光三年  
 缺缺建拆修補歸縣報銷木植由洮州廳購運工料銀兩由蘭州府徵收稅項開支其抽  
 收木稅巡查夫役等事歸府經理管理每春冰泮時搭橋需人數百或在岸或在舟或乘  
 皮筏巨繩繫舟從上流緩放舟繫大筐四五盛以石候舟至洽好處則擲筐於水舟稍定  
 即繩纜交加一一牽綴而橋成壓以巨鐵纜舟隨水高下夏秋盛漲時經理失宜仍虞冲  
 激冬冰既堅狀如積雪  
 可通車馬俗名冰橋

### 秋七月陶崧年革職永不叙用

崧年在秦晉賑捐案內捐知縣分甘肅署海城縣下車  
 後盜賣會糧私吞學款種種不法駭人聽聞海城紳民

來省上訴護督毛慶雲請所呈如果屬實是故官却做賊矣候查覆核奪派員往  
 查屬實効之交吏部議陶崧年著即革職永不叙用起訴人猶在萬順店候信  
 案宋福州知府以海寇授職對郡僚吟曰鄭廣有詩上衆官文  
 武看來總一般衆官做官却做賊鄭廣做賊却做官滿座慚隳

慕壽祺曰知縣造福易留名亦易果能為地方造福則自受命之日正宜芒

刺汗顏洗心滌慮所居而化所去見思善政治洽乎民情鴻名留於史策詩云

懷佛君子民之父母豈徒言哉倘或有玷官箴圖盈慾壑既招物議必挂彈

山左牛真谷先  
 生以經術飾吏  
 治使生兩漢卓  
 然為一時循吏  
 斷處甘肅竟等

時縣丞林棠題  
 壁詩有淵網從  
 來是太魚之句  
 蓋謂大員志甘  
 高而陶崧年竟  
 登白簡殆小魚  
 耳

畫將歸假同  
法日金以行  
風空山望文

章不惟自敗其名譽影響所及上負國家中貽親辱下至鄉鄰朋友蒙詬包

羞雖萬貫腰纏不足償一日緘口之苦陶松年以食糲糠以視乾隆初牛運

震任秦安七年調署平番又三年言旋時囊無一錢假同寅數百金以作旅

費者其賢不肖為何如耶

### 監督毛慶蕃創設育材館

慶蕃因科舉既停多士講求新法必中學先有根柢然後能採各國之長不致為新學所誤在省城莊嚴寺內租賃空屋

並於考取優拔後挑選文行交修之士送該處肄業聘本籍紳士劉維修爾折常川督課名曰育材館歸提學司管理為將來設立存古學校基礎其開辦費及全年經費器具炭

火茶水房金雜費並管理員薪水寒暖津貼等項約需銀數千兩詳准由司庫提銀十萬兩

慕壽祺曰陽明學說盛行於東南及日本國何令人之崇拜一至於此蓋陽明之言教育實能一變古法為吾國數千平來所未有其示教讀訓蒙大意曰教童子宜栽培涵養誘

之以歌詩導之以習禮蓋童子之情如草木之萌芽舒暢之則茂盛摧殘之則衰痿中國之訓蒙者鞭打蠅縛若待拘囚彼其視學舍如囹圄視師長如寇讎偷薄庸劣日趨下流

是驅之為惡也陽明此言深中私塾之積弊為吾國教育大家與羅馬教育家君比利安之學說頗相符合惜無人繼起發明行之全國耳夫姚江良知學說在明時已大受訾議



新嘉坡初由德新  
加尼利得一世  
界地處熱後知  
有遠洋航海之  
動搖一與與國  
本至更換世界  
之方尚故各國  
地理學界新先  
地國不遺餘力  
中國宜海人之  
所長

嗣光緒十九年  
六月間有司  
存開辦八年  
實民年八十  
上以禮士九  
十以禮士九  
其家官均禮復  
尤厚矣

幕壽祺曰自中外交通歐美游歷之士輪蹄交錯不絕於途故其與圖為最

精日本追步西瀛力求精實其於中國山川郡縣皆有最善之本而我中國

反安於舊習視為緩圖良可惜也毛慶蕃既委李長林專辦與圖復於公餘

之暇派員赴各州縣考查山川籌畫邊防將以繪成善本為西北用兵之助

功未成而已去職不更可惜也哉

### 九月詔賜固原州回民李生潮松喬等壽匾額

時新君嗣位詔舉孝廉方正凡耆民年逾百齡者准由各督撫奏請旌表

總督升允奏稱據甘肅固原直隸州知州王學伊詳據紳耆等稟稱州屬西鄉回民李生潮生於乾隆五十九年屆今宣統元年現已一百十有六歲一子四孫曾孫五人元孫二人五世同堂等情循例懇祈奏請建坊前來臣復查該耆民李生潮菽布安貧松喬等壽形神強固計將花甲之重週家慶延長喜見萊衣之迭難茲當添到海籌之日怡值歡迎恩詔之時凡屬耄年咸膺榮賜况黃冠草笠身已歷夫七朝丹桂芝蘭照視看夫五代肇壤而安耕鑿不愧鄉里之耆良計年而過知頤洵為昇平之瑞應合無仰懇天恩俯准旌表出自鴻施等語旋經禮部核准頒發松喬等壽匾額以彰人瑞

乾隆時甘肅  
仁康照戊午生  
壽一百二歲  
判例詳請  
先給匾曰  
人煥

甘肅通志

案舊通志載康熙四十二年秦州老民李剛年一百四歲甯夏老民莫進忠年一百二歲  
肅州老民于國年一百歲雍正二年狄道老民郝增顯年一百二歲秦州老民丁守會平

涼老民陳守諫並年一百一歲臨洮衛老民周隨家鹽茶廳老民張友並年  
一百歲民國七年文縣紳民呈報縣城宣化坊民人王輔臣年一百五歲

壽祺曰古者天子巡狩方岳問百年者就見之今李生潮黃髮黝背以上壽聞其可使  
與編氓齒乎榮膺旌表禮亦宜之夫甘肅疆域南北狹而東西長遙遙數千里間窮鄉僻

壤其居同五世而壽逾百齡者當不止一人已也而表  
章無人終老山林已耳古今埋沒如此者可勝歎哉

### 冬十月總督長庚抵蘭州

長庚生於山丹縣往來西陲情形頗熟居官謹小慎微太后  
垂簾聽政時以葩經西有長庚一語故任用之此次由伊犁

將軍總督陝甘於  
是月初二日抵蘭

### 庚二年春二月停辦勸工廠

甘肅勸工廠係光緒三十二年五月創設其初分織布裁  
絨綢緞玻璃鐵器為五科二十四年復將織布裁絨綢緞

玻璃四科各立一廠就本省質料招僱鄰省藝師教授子弟派委督工三員稽查收管支  
發各一員督率工匠學徒經管材料成品製造精良力祛腐陋宣統元年九月因玻璃廠

及鐵器科水磨鐵貨多遲滯難銷又所製靴鞋以商貨充斥行銷無多均一律裁撤即裁  
稽查督工各一員是年二月又將綢緞廠節縮辦理祇留常綢緞募本天錦緞機各一

張其餘機架概行  
停辦以資撙節

宣統元年政府  
命劉其清理  
財政次年  
官所勸款  
以新舊財  
傳乘慶來  
理乘慶來甘

清道處奉部  
內官日肅羊  
補灰銅鑄金  
皆為土產茶  
費引又為釐  
大宗處是倡  
費然順稅務

### 夏四月命傅乘鑒清理甘肅財政

財政至清末素亂極矣收支浮濫視若故常下既不報上亦不究一省之財政清伸縮操縱之權封疆不

得而主之外銷開款向不奏咨入既無額出亦無經各省之財政清盈虛調劑之權中央不得而主之無財無政何以立國官統元年有清理財政之命夫借債也加稅也搜括也裁併也皆籌款之技也非財政也財政者以財行政即以政生財清理云者如治水然導源清流而使之清如治絲然條分縷晰而使之理也甘肅清理財政官傅乘鑒實地調查

編財政說  
明書四編

案古人立法曷有不善各省賦額凡驛站俸工祭祀廩膳以及花紅旗匾之

類逐項用款皆徧徵於地丁之內雍正初因籌絡各官養廉復隨徵加耗即

量出為入之概略也春秋二撥入款分別額實已完未完出款分別項目是

否例支有無定數按季造冊報部候撥即量入為出之法規也冬撥則估計

次年歲入歲出於年前造冊報部即預算之權與也奏銷則將一年收支各

款限次年五月底截數造冊送部核銷即決算之濫觴也自同治軍興後庫

幣不敷邊省自籌自用因有外銷名目是爲財政紊亂之始此後課稅釐捐日益增加新籌之款數倍於前不復入撥造報間或奏咨立案其中不實不盡之處莫可究詰江河日下漸至泛溢而不可收拾甘省邊僻向恃協餉接濟款目無多清理較各省爲易而民情困苦風氣未開甚薄者培亦不高源短者流亦不長將來改良徵收擔任義務亦較各省爲難清末實地調查雖未盡美盡善而大致十得六七復爲之逐款說明俾經濟家見之甘肅財政之情狀瞭然在目卽以後改良之辦法如示諸當道亦爲有用之書

傅秉鑒所編財政說明書凡分四編初編略叙形局誌財政之前原次編劃分稅項驗物力之盈虛三編綜覈經費計用途之廣狹四編研究利弊補救目前之辦法卽依法改良之基礎復念甘肅遠處西邊爲藏新後援腹地門



益

蘭州設件作學堂

治獄莫大於人命定讞莫重於抵償而研鞠握要之機則自相驗始實  
統元年籌設省城各級審檢兩廳總督以件作關係人命命令候補縣丞

胡俊在莊嚴寺內設件作學堂催州縣選送一人來省肄業時風氣未開以件作為賤役  
來學者寥寥不得已已在蘭州招生百人專習相驗蒸檢之法以洗冤錄及法部新刊之書  
為課本改為速成科半年畢業及法廳開辦所用檢驗吏即件作學堂之畢業生也民十  
二年檢驗人材日漸缺乏每遇命案殊感困難蘭州地方檢察廳又設檢驗傳習所

秋八月甘肅第一次考試法官

中國預備立憲改良法律甘肅既設法政學堂以為勸  
復設審判廳以期司法獨立各審判廳所用法官必由

考試而來中央任命禮部右參議李擢英廣西道監察御史蕭丙炎為甘肅第一次考試  
法官之考試官法部派主事萬之一大理院推事惲福鴻為襄校官馳驛來甘是月初八

日高門考試仿照科場舊制陝甘總督長庚為監臨官甘肅提法使陳燦為會考官布政  
使何彥昇提學使陳曾佑為外監試官蘭州道彭英甲為外提調官補用道霍勤燾為監

試官王新慎為提調官署蘭州府知府張炳華為頭門點名官直隸州知州張元濂為內  
收掌試卷官環縣知縣鄭廷棕為外收掌試卷官同知康敷鎔知縣陳欽銘為受卷官知

縣郭忻黃英為彌封官署蘭縣知縣萬鍾祿為煌縣知縣申瑞元等為庶務官他若散  
卷搜檢管理內儀門及頭門鎖鑰巡查瞭望繕寫書記外場巡查巡邏皆派官以專責成

第一場考現行律第二場考民商刑訴訟刑籍法及論說第三場口述與考者六百餘人  
九月初揭曉考取最後等法官十一名優等八名中等二十二名共取四十一名是年冬

十月高等審判廳蘭州地方審判廳與同級之檢察廳泉蘭  
初級審判廳創辦各員則在此次考取法官中分別委用

慕壽祺曰此甘肅科舉之尾聲而法律思想亦灌輸於普通社會之腦海中  
矣甘肅種族複雜漢回蒙番其教至不一矣而蒙番條約又為一種特別法  
夫古之治民者舉不一者而歸於一無他教而已矣西北習慣相沿既不能  
一之以教而漸地教饒欲用繩以貫之合法其何以哉立憲國人民知共守  
普通之法律則知羈漸開宗教雖不盡同而象魏懸書彝晉易化文明進步  
已於是乎甚矣謀國法律知識不能普及也耶

### 多十月督署派員調查黃城爾舊城遺址

由永昌炭山石而南一百二十里有地曰黃城爾舊名黃城灘又名黃城兒口西通

甘州南達涼州元永昌王牧馬地也當時名幹爾多其地寬衍而善水草故產馬極良  
內有唐家沙黑溝口一頓樹紅泉口諸地外有爛泥打班江甯口水關口可防西山一帶  
如四堵朱家寨校尉營更為衝要且從此趨大草灘近在咫尺越西甯府三日可達尤為  
捷徑青海蒙古乞為牧地未許康熙三十三年川決總督佛倫請修黃城爾舊城甘肅

提督孫克昌以工程浩大奏請停止自時厥後遂為一片荒蕪總督長庚生長西陲留心邊事聞黃城灘城尚在至是遣員前往永昌縣會同武威永昌兩縣詳細調查將修築城垣派甘涼西甯標兵守之

幕壽祺曰黃城灘周圍數百里洵浩穰區設長庚擬修築城垣屯兵養馬俟工竣後移大馬營官馬畜於此並咨新疆巡撫伊犁將軍每年撥送俄國馬數百匹與沈為配合學生藉以改良馬種何所見之遠也惜乎籌辦一事動輒半年隴人又稱之曰長半年豈非言易而行難哉

辛 三年春正月秦安縣舉人巨國桂等請將已故知縣牛運震教諭胡鈺分別入祀名宦鄉賢祠

秦安縣知縣牛運震於乾隆三年冬到任培植學校振興水利補修道路提倡毛織品實有功德於民前高臺縣教諭胡鈺道德

文章隴右無兩與秦安紳士蔡啓瀛張必昇湯于果號稱四先生而胡名最著以上二員歿已百餘年六部九卿內其子孫並無作官之人茲經巨國桂等造具事實清冊並粘切結呈請總督提奏將牛運震入祀名宦祠胡鈺入祀鄉賢祠總督長庚飭司覆查無異正辦奏疏而陝西民軍起義事遂中止

隋煬帝大業初  
柳儉為宏化太  
守宏化故慶陽  
府五年入  
朝郡五年集帝  
同納言蘇威吏  
部尚書牛宏曰  
其中清名天下  
第一者為誰威  
等以儉對帝賜  
儉帛二百疋以  
旌異焉前清一  
代甘肅州縣以  
牛運為第一  
不聞姓為第一  
反為宵小之所  
古今政治之不  
同類如此

附牛真谷明府請祀名宦并列循吏傳事實清冊

一故官牛運震

字階平號真谷山東滋陽人雍正五年舉於鄉次年成進士乾隆元年舉博學宏詞科不遇二年選授秦安縣知縣洎秦七歲兼攝徽縣廣西

巡撫楊某保才堪任諫官不就十年誦平番縣兼攝古浪嗣因固原兵變督撫咸集平涼召問方略亂兵以踐上官諱才之列名統薦為忌者所中據故宦曾受萬民衣事効免其

官萬民衣事平民感故宦賑荒忠戶出一錢以製者也罷官後歷主蘭山晉陽蒲州各書院講二十六年卒於家年五十三歲

一故官

宰秦安時兵燹之餘人文弁陋秦安又僻處萬山中士不知書近二百年無登鄉榜者故宦首其學官創立隴川書院於縣署東側獎提後進七年之中英儒翹楚

騰聲譽擢科名駸駸乎人文之盛稱隴右鄒魯所造就者吳進士壘胡貢士武孝廉路植棹張輝譜張夢熊類皆遠於古學穿插經史出人秦漢或蔚為文章發為德業卓越一時

名聲半天下胡之筆作尤為冠絕一時

一故官

政事一以經術飾吏治嘗自括其作吏之訣曰儉簡檢儉者用儉養廉所謂以約失之者鮮不虧空不貪妄之小人簡者不拘官體不聽吏例不信俗諺不任己見

無日不與百姓相見差與之齊而訊其言但求一切便民而已檢者天有理人有情吏部有處分上司有限期胥役有奸弊得一錢乙諸簡施一杖榜諸冊今日去官倉庫不畏下任明日還鄉心跡可告朋友也初洎秦安獄中積囚十六人廉其罪輕三月之中悉與清理多所省釋遂單騎下鄉逐戶廣集民丁覈其盈虛察其醜巧一族立之宗一保立之長

並禁革陋規凡九條開九渠溉田萬畝縣北玉鐘山崩河水溢壞民居親荷畚鍤督濬四  
日夜而水通流所全活五六百人由是修道路種樹木勘定荒田之界詳豁沙地之糧振  
興社學捐置義田改折額糧以省委輸故秦民愛慕無智愚皆以牛父呼之嘗兼攝徽縣  
其治如秦女徽有遠柴去治所二百餘里村民輸糧苦運費多積逋請以銀代許之自是  
無柘化者建杜工部祠於漂亭川吳玠廟於仙人關皆置祀田徽多虎患募壯士殪虎二  
十六道始通泊自徽歸秦湖白額虎當道人馮股梁故官叱之虎帖耳去或為馴虎圖傳  
其中後調平番縣縣之五道觀苦飢蠲粟二百石賑之民感其惠即萬民衣之由來為忌  
者所劾者也當固原兵變時圍提督戟門且肆掠故官承督撫招開方略乃請勿以兵往  
但遙屯城外為聲援而自入城令縛首亂者出獄具斬三人監候四人餘予杖徒有差變  
遂賊及罷官東歸三縣士民涕泣攀轅有走千里送至灤橋者前後為宰十餘年署中未  
嘗延幕客事雖鈞輒辨治  
在官不問生產既無慍色

### 一故官

學問淵雅著述甚富與同歲生胡天游稚威論古最相得自束身庠序出為縣宰  
歷主各書院講未嘗一日廢其餘刻研究之功所蒐輯訂正之文金石圖三代逸

書詩刪文選廿一史糾繆皆能發核理提元鈞要自尚書毛詩論孟史記備為釋評成  
一家言詩文集曰空山堂若干卷行世選入國朝文錄吏治要言經世文編著甚多袁枚  
詩話張之洞書目答高皆曰為專  
家平江李元度先生事略有傳

附胡靜菴先生請視鄉賢並列文苑傳事實清冊

一故紳胡鈞

字靜菴一字鼎臣舊籍甘肅之漳縣元末始祖鈞移居秦安遂世為秦安人鈞之孫連景泰間以國子生授南皮知縣五傳而至多見由超貢仕山東東

昌府通判多見生公澤鄉貢士仕華陰縣訓導是為故紳之曾祖故紳十六歲以雍正二年入庠十二年督學王蘭生選拔甘肅諸生貢朝稱故紳第一乾隆元年朝考後以親老

同籍六年主秦安書院講二十七年主秦州書院講三十一年授肅州高臺縣教諭三十二年兼署肅州學正三十六年以病乞歸是年五月卒於家年六十二

一故紳

性極孝事其父增生之罔無大言違色疾病侍立牀第衣不解帶乾隆十年丁母張憂癯瘠改容鄉人見者皆為雪涕在學官任五年以文章自娛生徒皆敬憚之

士有居母喪未期而憂者召入遺責之後無敢踰學規者羣情依附相侍服役皆諸生所編閱書宮各經籍百數十年後家人陳昌宰高臺見其履識其為大老生予所遇雖

當道顯貴震其名爭禮羅之稍不當意輒嚴斥之嘗應秦州牧食某聘修州志甫纂八卷費潤其意即日告退百計不能挽惟情饋師友有寤寐歌謠終身而不倦者如李祖惠王

太岳吳劍楊于果諸人皆其所景心賞者也滋陽牛運震宰秦安七年多惠政士民德之及罷官東去故紳率同縣數十人走送數百里外猶涕而不忍別云

一故紳

於康熙四十八年九月初八日生母氏張夢有海燕人懷之兆故紳修齡督顏而眉甚稀微年四歲伯祖輝涵叩以四盤即解悟長從同邑孝廉方正必昇學每

有疑難時課靈警其時邊邑荒塞人文舛陋而典籍多缺故紳聞某處某書即踰險阻門索之夜哦通宵不寐曉則霜露沾濡衣裙盡溼而不自覺盛暑欲臥輒以水沃其頂攻制

藝不入時踐其言曰先正法律機也至理名言竅也其他揣摩時尙之說皆非敢知時陳宏謨撫秦黃廷桂楊際瑞相繼督川陝皆重故紳督學官獻瑤巡道王太岳傾倒尤至乾

博覽  
二  
人  
其  
一  
道  
者  
右  
博  
覽  
二  
人  
其  
一  
道  
者  
右  
博  
覽  
二  
人  
其  
一  
道  
者  
右  
博  
覽  
二  
人  
其  
一  
道  
者  
右

隆甲子陝甘鄉試揭曉後陳宏謀檢遺卷得故紳文讀數過召同考官讓之曰如此才而棄於卿卿所取為何等耶是年牛連震亦入廡為賦詩有憐君天下士老我眼中人句一時自監臨主考莫不同聲為故紳惜而故紳喜笑晏晏殊不介意益肆力於詩古文詞與狄道吳嶺二傑督學吳綬詔有隴上芳名吳與胡之句十三年丁丑黃廷桂延修年譜文成皆動色稱服侍讀學士伏羌鞏建豐推故紳詞賦軌範三唐追踪六朝謂秦風不振久矣得故紳可以起靡而扶衰其卒也遺囑誌其墓

一故紳

著作詩古今體四千餘首詩餘二百餘首碑版文百餘首總匯為靜菴集秦州新志八卷據李祖惠始為刊存詩百首三原劉紹放刻入二南遺音共八十餘首

次於孫枝蔚李念慈後稱其根柢深厚時有奇氣梁溪楊子燦選刻四卷版存吳鎮松花菴同里巨國桂選四卷故紳族裔胡文炳捐貲刊行張思誠為刻手寫古文數十首朝邑李元春兩朝文鈔其刊詩文若干篇其為文以傳之者定與王六岳天都吳綬詔四明董秉純商山王學遜李祖惠巨國桂亦均有有序太岳之言曰某任平慶日得與武交久稍稍吐其胸中之餘真讀書種子深心嗜古實能別白是非殆不止此中學者莫之能先已也所為詩古文並可傳又喜為偶儷之語實惟祖開府而宗玉溪其所效秦柳短長句又時出入於辛蘇時論謂故紳詩學枚乘駢體宗徐庾其餘文筆俱師馬史一時稱重關西者三原劉紹放瀘州楊鸞

蔡啓胤

字溪岩秦安人明神衰大盜訂關隴秦安縣城沒於賊者數年先生時尚幼隨家人入山為賊掠欲刃其父母先生環哭請以死代賊并釋之稍長工文辭有聲譽

既而悉舍之曰此聖賢糟粕也毋用是經經者為明烈皇殉社稷聞變自經家人解救之又迫於親命於是杜門謝客與弟啓賢以聖學相勸勉力行實踐以期自得閩西李中孚

倡明絕學時啓賢後爲整屋訓導先生因肅書中孚稱門下而年固甚高中孚曰溪岩真我師我願敢師溪岩故往來論說皆粹然儒者語手定冠婚喪葬之禮秦人皆遵爲典則父每出遊先生率諸孫親擡籃輿喬梓皆隨眉顰髮着勝國衣冠見者以爲神仙有嘆息泣下者後夢登西山夷齊廟有指示埋身之句乃大以向者未死國變爲恨並自刻苦遂拜鬱遘疾而歿身著衰麻泣抱親顛不能開遺命暴屍於野三日然後葬西山以踐舊約中孚題其墓曰賦性忠孝立心聖賢俯不作人仰不愧天著有四書洞庭集蒙解鑑觀錄及文集若十卷弟啓賢子蕃皆守其學秦邑清初崇祀鄉賢者惟先生後之可祀而未祀者又有張徵君

張君必昇

號柏亭生而嗜柏又所置皆茂故以爲號善持論喜讀書於秦漢以來朝野制度禮儀皆能究悉其源委酌以晚近之風俗而通用之書法與路道庸齊名道

庸自號天中道人亦奇士書宗晉人法肇窠大字尤英挺必昇純學顏魯公而得其骨髓清初由諸生給孝廉方正冠服卒年八十一徵君小以文章自表舉而內行醇篤在鄉里

最名有家法邑有大舉動必以所言爲折衷門下士以文章特著者無逾胡學博

胡 鈺

字靜菴遷貢生少負異才任氣節不隨人俛仰關西以詩名者三原孫枝蔚邵陽王又且蒲城屈復潼關楊鸞狄道吳鎮鐸鎮與鈺同出王鶴生之門世所稱關隴

三詩傑也鈺占文力追漢史遷又好爲辭文王太岳謂徐夙之徒希過也然數奇不得一第既放廢益務窮搜冥討爲詞章其幽憤之氣則一寄於詩大府爭辟爲記室意殊不樂

嘗有句曰可憐名士但謀醉甯有達官真夢才秦州牧嘗聘修州志屬稿已半因供給處拂其意即日舍去不復顧晚授高臺縣教諭兼攝肅州學篆匹馬出塞覽天山瀚海形勝

足跡徧敦煌安西經古戰場鬼泣啾啾雪花如掌方盛法敲句自若也移疾歸卒年六十二橋李李祖憲三原劉紹放武功孫西峯皆梓其詩西峯世爲秦風之後勳梁溪楊芳燦選刻專集版存吳鎮松化燬後百年巨或桂復有選鈔行世當時王太岳牛連震皆以鈔有異才堪世用乃獲落又耿介不能俯首作乞憐態故終於致斥云後鈔而文名亦藉其世並稱爲循史者則惟楊碩亭

### 楊于果

字碩亭號審巖生而異年十四備莊子文作白鶴辭一編奇辭與旨見者驚詫或以神童相日十七入庠以詩賦古文噪於時楊歷隔學使獨曰楊生若遇當以

學術濟天下毋徒驚其文藻也然疎散非貴者相熟以循吏終乾隆乙未成進士王文端杰欲薦入詞館以家貧辭歸授書十年選湖北長陽令歷任漢川枝江棗陽南漳穀城事擢荊州梓仕楚前後二十餘年不挈眷履充鄉試同考官文俱第一爲治一本經術接物一誠實精察於渾厚時軍差絡繹奸民因反抗不輸供役或誘以吐情當貸死于果曰彼法自當死給之引伏縱中無冤即異日臨刑彼不無能悔即我不得無憾也何給爲嘗有驛馬斃中道居民得食家丁有勒直備其子以償者廉得情密致其人置內署訊既悉乃出一簋純村氓詰衆丁曰識此乎即備兒償馬者衆蒼皇流汗伏地請罪遂鞭丁追貨贖其子以歸其發奸摘伏爲民剔弊雖戎馬倥傯尚不遺羹芥類若此當是時劉宏鐸倡亂餘黨散而官都枝江間與平民錯處其指引擒獲在官都者誅誅靡遺于果宰枝江獨不可曰安知無挾仇誣陷者需究治宏鐸時據望佛山距枝城二十里繫囚八百有餘集麻廳人人惴惴懼生變于果神志澹定卒窮詰說被誣者三百餘命先是邪匪起長陽大府以于果前治長陽著惠愛檄由枝江赴前途招撫時雖燬原難撲籠罩深入無逗撓

賊來輒相成遠避至是官軍循餉道繞出賊巢莫敢往于果親帥捍禦屢摩其壁壘酋渠相顧亦無敢傷者後移棗陽南漳時有警羽檄旁午里閭晏然皆如桃源鶴犬自軍興凡辦裝治具前後用金數十萬身無所私文清公松筠嘗督勦駐南漳與之縱談天下事相得其款一日味爽尙擁被臥倏然一人入臥內澆屋環視徧撥衣笥書篋嗚呼曰數十年宦業盡此乎哈哈笑不止驚視之乃文清也訝問所自來則由馬巖便道入乘小意以窺密也因索紙題門額作澹然二字以表其操松後去漳風偕入都圖進用以疾辭留千金爲贈俟其去具文白上官佐軍儲汪稼門吳樞江熊光皆前後督廣湖均以吏治學術贊譽不容口楚省嘗亢旱大吏走禱無驗汪覽所推陰陽官洩之方驚曰希世鉅儒也亟呼而面聆所蓄試之立應吳之言曰吾撫豫數年早知此間有君何尙鬱鬱居此令條陳便宜數千言痛切吏弊吳深激獎謂可大用今經世文編及門人陳預所刊上襄陽王觀察書是也吳後屢問所欲輒對以他無所欲惟思歸沙市沙市者荊州通判所駐也凡在楚所蒞士民愛戴統呼爲楊佛貌圓滿若神鬚垂胸孫令某每指語人曰楊公鬚髯皆拂拂有書香氣旣由通判任移疾不能歸陳預時任江藩走介致躋歸居南村別墅踰年卒壽六十七于果淹通多識自是曆樂律術數莫不究悉多不存流厥後其曾孫刻所著史漢箋論齊魯詩文集武威張澍序謂多散軼者非虛言也

劉慶篤

會甯縣人

曰余讀前後漢書召平附見蕭何傳紀信附見項籍傳沮授附

見袁紹傳此數人者或運一異謀樹一奇節並能垂諸不朽豈待編名作傳

然後傳之竹帛也哉慕少堂先生敍牛真谷胡靜菴而蔡啓胤張必昇楊于  
果連類而及即明史之附傳體也噫如秦安四先生者民到於今稱之以視  
生無令聞妄占史傳篇目者其賢否爲何如也

夏六月土匪李旺等倡亂西甯鎮張定邦討平之

先是李旺等聽信裝道人之言與董職匠夫婦創立黃表會在鄉村

煽惑愚民謀爲不軌六月初散布傳單一夜遍及於三縣揚言殺盡服西裝道洋書之學  
生知縣陳問淦聞之派紳士帶牌役二三百人赴西川攪擾莊一帶思有以排解之匪等  
執迷不悟公然拒捕遂不得已而用兵西甯鎮張定邦率兵往討時匪衆搗竿而起者約  
計二百餘人皆烏合之衆來自因問與官兵遇即紛紛竄匿而逃有投河自盡者乘勝  
追至湟源地漢莊老集匪首悉擒中有所謂李上天號稱真主之李旺山護國禪師者  
即維輗連籌之裝道人也此外董職匠等以及僞左丞相右丞相及國公總兵各名稱皆  
縉送西甯監獄鎮道十其事於省府總督長庚檄前西甯鎮總兵馬福祥前往會  
審獄定後以裝道人妖言惑衆處以死刑李旺永遠監禁其餘分別處分如律

慕壽祺曰赤子弄兵潢池往往爲妖言所惑其始必有道人以惑愚之豈獨

李旺也康熙三十年西甯有包姓道人謀逆合郡騷然嗣擒禍首從而株連

昔蘇尊西甯參政劉殿衡親潮無辜考卷山之馬關...

大哉全活多人書曰熾厥渠魁裔從罔治其斯之謂然

太白書曰王井鬼分野總督長庚令東路各縣修城池

是月朔太白星出...

持國... 同鄉... 日世... 日十... 白書... 則人... 滿... 無事... 新... 遵照...

新會回善謹遵照辦理

幕壽祺曰和氣致祥而治世亦災天心仁愛之與乖氣致災而治世亦瑞燈

滅必光耳或曰治世災在朝廷而瑞在天下叔世瑞在朝廷而災在天下然

買館曰見群... 為不可則祥... 為禍見妖而... 以禍則妖反... 願香殿高宗...

及異之說... 達信况... 明之時... 弟作於... 象... 之自然... 夜... 後三月... 義... 命... 乎不... 能... 廷... 廷...

鼎非雄所筆太  
牛初以妖逆至  
則轉禍為福矣

大木將傾非一  
乃心所繫而  
忘家惜人而已  
去家社將墟之  
抱妻秀髮離之  
拉枯朽無不披  
其戰事勇烈以  
地關陝西故宋

則太白晝見天所以敵成人君將使之恐懼修省以退亂商耳而清廷不聞

下罪已詔國其無人矣雖欲維持晚運其可得乎

秋九月以升允為陝西巡撫帥甘軍恢復陝疆

升允自總督開缺後攜眷至陝西省城居焉在省城北草灘子墾荒不復

作出山計此次陝西之變巡撫錢能訓嚴懲民間升允由草灘子逃至平涼電請中央速為收拾收府謂陝甘唇齒陝西危甘必危豈能獨安一面會長庚嚴加防範一面起用升允

巡撫陝西帥甘軍節節進攻帝從之升允奉命後調陸洪濤三營為基本軍令固原提督張行志駐鳳翔以保隴南門戶並函長庚募回軍二十營部署已定陝西都督張鳳麟遣

人至平涼遊說謂清室氣數已盡游眷派軍隊護升允曰楚漢爭天下高祖且不顧太公况區區一婦人乎遂下令動員

新募回勇二十營以提督馬安良統之

將以援陝也先是陝西失守廷旨令甘肅速援長庚已檄振武軍統帶陸洪濤與張鳳麟

帶胡立誠各率所部由長武進兵惟兵額不及一旅又檄總兵馬福祥招募十營陸續出發與陸洪濤會師於醴泉福祥以服制未除呈請終喪許其歸

保護省城所謂涼州莊良滿營之兵又未到齊不得不用馬安良以作安良之寄安良請募家人父子兵馬步最少須二十營方足敷分布督署開軍事緊急會議長庚之意惟安

良言是從許其專募回勇巡警道趙維熙曰乙未河湟之亂前總督楊昌濬令馬國良馬伏保真尋回子以回攻回政府微有所聞諭令黃福祥迅掃妖氛不准招募回子一名按

靈夏五所部步  
兵二十營騎兵  
十旂內惟馬安  
良所統三營旂  
純係河州四族  
餘皆漢人南方  
紀載謂並所部  
皆回大誤讀清  
廷諭旨可知其  
失矣

察使劉式毅曰上諭雖如此措辭而關外之事將軍主之釐以馬安良為嚮導安良所帶  
三營皆回族也今日之事漢回各招一半方不失之於偏代理布政使俞明震曰庚子拳  
匪之亂都城秩序顛覆軍維持某營管帶馬福祿係河州回教所部又純粹漢人可知種  
族之見統兵大員雖有是心應如何通融辦理之慮則在中級軍官無庸總總慮慮長庚  
大喜曰恪士之言實獲我心安良乃以馬麒馬麟馬占奎馬忠孝馬廷勳馬同為統帶各  
統帶又用其親信之人於是自上至下皆馬姓皆河州人時旅省各縣紳民上書於長庚  
其辭曰本月初六日陝西標統張鳳麟及張益謙張伯英張三山郭學等起兵排滿響應  
武漢占領西安設軍政府殺戮之慘聞者酸鼻總督大帥於初九日聞陝西失陷以甘肅  
與陝接壤唇亡齒寒禍在眉睫欲保甘肅不得不救陝西欲救陝西不得不分路出兵惟  
標兵以之守城練軍各有防地倉卒間無兵可發在大帥抱同種思想恨不即時撲滅陝  
西民軍以復已失之疆土以成不世之功勳於是乎招募西軍三十營馬安良謂咄嗟可  
辦但西軍派係莎陵章成急就非真有敢死之氣愛國之心不過乘茲變亂濫竽充數所  
持軍械不知名目不諳開卸統帶循例而取諸庫士卒隨意而荷諸肩幸而小勝則驕矜  
之氣不可遏不幸而敗則此後之患何可言哉若此等烏合之眾如擗有用之器一經挫  
敗逃亡而散諸四方以暴虐於百姓將恐殺戮之禍姦淫之事虜掠之眾視張鳳麟諸革  
命偉人而又過之矣紳界代表慕壽祺王之佐上言其文曰為純籌全局保全桑梓事竊  
維子輿氏之言曰得天下有道得其民斯得天下矣得其民有道得其心斯得民矣自古  
未有民心離貳而可望久安長治者也况在兵爭之世止人心思亂之時乎頃因陝西淪  
陷甘肅戒嚴於是列位大憲日以籌兵籌餉為事夫籌兵籌餉非為援陝乎援陝所以救  
民也然與其援陝以救民尚不如不援陝而反不至禍民之為愈也何以言之計自武漢



亂自平亦何勞隴上孤軍長征遠駕乎故紳等又謂與其借背城之戰不如作壁上之觀猶可以省我兵力省我財力萬不至有潰敗決裂之虞也往者不可諫來者猶可追紳等爲桑梓大局起見故不辭冒昧不避忌諱謹貢狂直伏惟采擇臨稟曷勝悚惶迫切之至

慕壽祺曰或謂長庚聞陝西滿城爲革命軍所屠乃借河州回族以殺陝人而洩其恨此則近於煨煉不足爲定評也當是時甘肅庫空如洗槍械所存無多若必招募漢人恐一時難成事實爲迅速計爲節省計爲顧全大局計不得不允爲安良專募回兵之請求安良爲回族領袖羽檄一馳應者四起槍械馬匹隨帶而來按照陸軍五百營頭有過之無不及蓋其父兄親串隨往青門一俟破城後滿載而歸公家明知之謂此害之小焉者耳而甘肅回族之大軍閥與民國十七年河州之大戰爭悉於此而養成矣

### 哥匪劉華堂劉曜鯉等假革命軍名義乘夜陷甯夏府城

華堂有膽力曜鯉有智謀皆四川人哥老會稱

爲大爺黨羽其夥消息亦最靈聞端激過江武昌不守慶邸尸位都督戒嚴陝西張鳳翽張雲山於九月初占領青門響應武漢華堂商請曜鯉曰甯夏有滿城可以排免張號令已大闢矣號令者誰謂陝西副都督張雲山也大丈夫遇時則起當爲秋霜無爲盤羊君其有大志乎曜鯉曰此天假之時也鎮戎渡河聞因公駐甯靈縣道尹書生且上肉耳起兵不難其空手何華堂曰鎮署所存軍械可劫而取所慮冰橋未結總督滿人救甯夏比援陝更急倘官軍順流而下晉軍再從包綏出發兩路夾攻吾輩恐無生機曜鯉笑而答曰此無足慮長半年作總督遇事游移無主吾聞之稔矣今者陝西起義清廷屢電甘肅救援以兵備空虛招募新軍甯夏偏僻視爲緩圖官軍之來最速亦在一月以外密邀童

老二等擇期起事也可不三日部署就緒於九月二十八日夜二更後華堂囉鯉等二十  
七人突入鎮署燃爆竹中之震天雷連發數十枚鎮署文武員弁大驚曰革命軍至矣相  
率踰垣而逃庫儲軍械為哥匪所得戰不終夜兵不出城鎮道印信悉入囉鯉掌握中明  
日布告安民嚴禁搶掠囉鯉自為甯夏鎮華堂自為甯夏道省城軍務處接甯安堡來電  
意謂莫須有之事不便令總督  
知以此遲留而匪眾規固矣

慕壽祺曰民苦清政久矣天下士崩雲傑并爭狼分虎裂捷足者先得遲後者見吞此革  
命之易於成功也劉華堂非有宏謀遠慮特以陝西失陷蘭州戒嚴甯夏又有滿城借排  
滿以號召亡命騷動邊陲爆竹聲中驚破夏人之膽賀蘭山上排成草木之兵所謂時可  
而後動者其如斯乎當是時鎮戎遠走河東道尹書生懦弱此竊據近郊利用時機惟所  
欲為而笑之敢  
違真所謂革矣

### 冬十月哥會首領高登雲據靈州知州余重基逃匿

知靈州事余重基老吏也聞甯夏失守恐懼甚招募城防

勇三十名哥會大爺高登雲等十二人同時應招各得快槍一枝奉令守城紳士孫鐸等  
見州牧曰明公所以招勇者以備夏主靈州中隔一衣帶水恐哥匪之來襲也豈知高登  
雲等哥老會中重要人物以此捍衛城隍無異解衣包火使貓乳鼠禍在目前矣噤不能  
聲久之始曰然則其殺之乎謀既定俟更深人靜聚而殲旃機事不密洩漏春光高登雲  
為先發制人計私召城中黨羽不滿百人二更後入州署以公家所給快槍仰空射擊  
知州踰城逃之紳士許相家避焉眷屬有遇害者亦不盡殺也州署為登雲等所據次日

無賴之徒驅海附之劫掠公行而登雲弗能禁登雲曰此烏不爲烏鵲不爲鷓鴣豈有俞簡者老將也頗有智謀時居吳忠堡登雲敬其爲人密令心腹往聘之並以轎抬之簡知義不能辭遂靈州登雲求所以善後之策簡曰必不已請陳警言桑梓本邦固人情之所樂兵戈浩劫亦天道之自然今日之事規數也雖然降災在天挽回在人倘不以鄙言爲河漢請嚴禁殺戮分守城樓編製營頭照常辦事不違約束者梟首示衆登雲如其言以行之不出三日秩序恢復矣簡復爲之修城郭封府庫保閭閻戒登雲等切勿爭權蓋爭權足以殺身成事在乎和氣又嘗謂汝輩才能足以得志但恐不久耳哥會中人欲舉簡爲總司令簡笑而却之曰我不就爾求財位亦不同爾受異累自古獲奇福者必中奇禍也居半月簡不知其所之

靈州會匪攻甯靈廳 明年改 城署同知黃英巡防營營長戴春霖擊退之 高登雲

州事事惟俞簡之命是從對於鄰縣持不擾害主義而其同黨有魏雄朱全其人者蓋竊取淮南盜姓名與人言則曰替天行道聽候招安以甯靈廳巡防營兵士多在哥會私函往來謂城可垂手得約定某日拂曉時攻城兵士應於內於是楊朱兩匪率三百人先一日至吳忠堡人夜鼓行而前以火照道比至板橋距甯靈僅八里天昏黑巡防營約會者亦間無一人乃入富戶之家富戶欲效鄭弦高故事獻牛二頭羊倍之陰遣人告警使甯靈預爲之備會匪乃殺牛剖羊燻之釜中比肉爛雞既鳴矣食而後行天大明集甯靈廳東門大呼開城城內佈置妥帖同知黃英催兵士開槍無一應者營長戴春霖下令者三兵士始轟然一擊斃匪三十餘人餘紛紛烏散楊朱兩大旗拋擲於城根戴春霖曰可以

止矣若追恐中埋伏  
所謂畫蛇添足也

劉華堂率眾攻甯夏滿城都統常連甲擊走之

滿城在甯夏府城之西距賀蘭山甚遠城小而堅同治兵燹回匪屢攻不能

克至是劉華堂率烏合之眾欲達到排滿目的而都統常連甲以快槍擊射華堂力不能支敗而遁先是光緒三十四年董福祥遠終遺言以自置快槍一千二百枝俟効公家時

志銳任甯夏都統與總督升允再函商將上項槍枝就近運往滿城留待他日之需而孰知功效之如此其大也

西甯匪徒任得慧等復謀叛於西川總兵張定邦捕獲正法

自民軍起義武昌陝西響應西甯雖居邊

遠而謠言紛起人心洶洶會匪任得慧游勇孫麻子土匪喬壽山等利用時機聚眾千餘人在西川元山爾謀亂經該川鄉民告變張定邦親率步兵直搗其巢匪眾見勢不支東

奔西竄除喬壽山免脫漏網外餘匪皆被擒張鎮懃憐其愚民無知法外施仁略加訊問取保釋放內有無人敢保之首惡十餘人押解來城交西甯縣復審後遂棄於市

調涼莊清營兵至省

長庚調涼州莊浪駐防滿營兵星夜進省駐紮城內隱寓仇漢意省垣居民皇駭殊甚王之佐借慕壽祺兩次上書長庚力諫其非

卒以迫於物議仍令滿營兵回防人心始就安帖

道員黃鉞率兵三營赴秦州防守

黃鉞同盟會中人也山東洋學業後捐道員指分甘肅以其父在新疆時與長庚朝夕過從交最久及報

到長庚果以故人子待之久且倚為心腹武昌起義陝西  
響應秦隴毗連長庚恐敵人之奪天水也命鉞往而防之

### 忠武軍標統周務學率兵赴甯夏勦匪

務學時駐軍於拱星墩甯夏失陷慷慨請纓長庚許之

慕壽祺曰周務學後赴新疆頗為新疆督軍楊增新信任駐軍阿爾泰山兼道尹國紀十年俄舊黨竄阿山與所部勾通本當自殺留絕命句曰毋毀吾家毋戍吾民盡守土責殺身成仁斯固世變以來所罕聞也舉朝劉爾斯以謂不負所學秦安曰國柱為之誌曰本齋之死愚本齋之死直其直為可惜其愚不可及人盡以愚死世道胡日飛鳴呼哀哉本齋

### 標統周務學行抵營盤水

在中衛縣之西

### 奉令班師以游擊馬應代之

務學廉潔自持公忠自矢胸無城府

對人侃侃而談此次奉令出師以收復甯夏為己任忌才者遂飛謗流言謂務學行至一條山甯夏革黨華堂遣其心腹歡迎願奉務學為西夏王此事莫須有長庚信以為實馬安良聽其言統馬麒率西軍先取甯夏再開陝西長庚如其言行之時務學行抵營盤水奉令即下令軍中連夜回省營長劉文秀等進而言曰博在外君命有所不受明公縱不為箇人富貴計獨不為甯夏城內十萬生靈計乎今日之事有進無退務學曰坐吾語汝制軍遇事游移有長半年之號今則毅然決然收回成命意者其有青蠅濇亂是非乎否則以我為吳祿貞之續乎不然何變之速也君等置身軍界對長官令須絕對服從天實為之謂之何哉聞者莫不淚下

今日欲求周本  
其不可得  
矣非世道之  
憂哉

壽祺曰周務學可謂言行相顧矣自束髮受書即服膺孔氏致身之義及  
為總統時以岳忠武文官不愛錢武將不惜死二語銘諸座右蓋見夫庚子  
議和後國家元氣頹喪人臣以媚外為逢迎無復有氣節之士故自勵以勉  
人也後十年殉難於阿爾泰節矣聞者或竊笑其愚蒙引孔氏之言曰其愚  
不可及

吳人字清身負  
文才清來初  
從唐才常起事  
武漢敗走日本  
卒武學業歸務  
通取仍不易所  
志從清餘世  
昌素問為於倭

六鎮基址實蛻於武衛右軍右軍即袁總統所練之新建陸軍也已庚間改名右軍自山  
東從總統來直散舊易新成六鎮而軍弁尚多在者吳祿貞實以庚戌冬為統制前任為  
為民國陸軍部長段祺瑞行陣號馳吳來稍變營制又欲易將弁咸未得竟施軍中向  
背各半辛亥秋鄂軍起吳請赴前敵未果乃以協統李純統一協去祿貞頗快決先是祿  
貞駐兵保定時折節下士喜延攬同志伺機圖大事清蔭昌等覺之不能排去祿貞則斥  
其所舉員弁李真等俾不得在鎮李真直隸安平人朴勇最歸心祿貞又為北士所信者  
也軍與六鎮新黨合北方士紳謀舉事保定推李真以意見不一直藩凌福彭又由結留  
保二鎮將弁嚴為預備故其事未成祿貞在都聞舉事張紹曾上書要十九信條事頓而  
歎足曰好事讓人為之乃詭辭入滌軍約詔曾等共濟北事清廷允滌軍請勢稍頓會晉  
軍變殺巡撫據娘子關清廷以祿貞統六鎮餘兵往剿祿貞抵關不攻率數騎扣關請面

得親貴信... 大印年未... 知也後... 進本得六... 起謀保定... 死之... 應未... 遂

皋蘭巨紳... 護君主起... 其學稅不... 其主張各... 故

晉將關上槍擊不退晉軍竟納祿貞而其將說以合兵伺機晉軍降清廷授以晉撫留關  
上其協統某請回石莊石莊正太京漢鐵路衝六鎮後路及京旗兵所扼處也某協統祿  
貞故人以前協統周某異已臨事時更易之又見祿貞收晉兵心謀故請歸也某歸後南  
征軍軍火過祿貞友陸軍部員張世膺來報某留之某陽諾而激祿貞參謀何緒基等留  
火藥車已乃陰電部誣祿貞清廷遂以祿貞所斥之鎮將潛往懸巨賞令與某圖祿貞祿  
貞歸聞扣車事責某輕發副官周維禎及世膺解免共勸祿貞即自所志旋舉兵以定河  
北祿貞電約潯軍令周維禎草疏請誅蔭昌等正焚殺漢口人民罪罷兵議和復云不允  
則斷南征軍後潯電為直督所得不達乃頓兵石莊而清廷使者已與某協統及某管帶  
等成謀管帶出夙門祿貞已往車站票房夜與賓僚飲衛軍十數皆某管帶人中  
唯祿貞一僕外罷祿貞已被酒聞車音遠至僕人人舉手示危祿貞起某管帶聲言賀巡  
撫擁衆入槍刃猝集祿貞遂與周維禎張世膺遇害並及站人某管帶斬祿貞首去邀巨  
賞客或跳或匿牀下以免免者述其狀如是時清宣統三年九月十六夜分宵十七早一  
鐘後也祿貞  
年祇三十三

### 十一月諮議局請殺王之佐等提學使俞明震解救之

時南北兩軍宣告停戰清  
后詔徵國民意見聞紳會

議力主反對共和慕壽祺力爭之不聽王之佐大憤遂同慕壽祺鄧宗孫炳元致書議長  
張林焱略謂東南各省以鐵血創共和之局甘肅不能相隨反正已足貽同胞羞此時如  
猶不表贊同恐一省之力不能抵抗二十餘省識時如公當必見及於此云云皋蘭巨紳  
認為叛逆即袖示長庚議處之佐等四人死刑布政司俞明震聞之力爭謂殺四人不足



遺一封書在石  
殺身之禍不慮  
對者亦非不慮  
為其所主張即  
因其而與幸遇  
長年之優柔過  
寡斷得保其生  
命以至於今殆  
天留此老作文  
星耳

為解決君主民主問題耳君主者何立憲國家也民主者何共和政體也中國在西周時希臘已有總統現在新理發達民權擴張君主立憲必在淘汰之列况中國豫備立憲徒託空談親貴盈廷人心思漢故以假立憲而演成真革命即可由真革命而建設大共和或謂改為民主恐於皇室不利豈知所謂共和主義者非謂某一族一姓之利益將合漢滿蒙回番苗各種族納之一共和政體之下人人享共和國幸福即人人有大總統希冀皇帝退位後安知他日不舉大總統耶或謂甘肅辭處邊隅幸免戰禍食毛踐土二百六十餘年一旦自外生成口不忍言豈知自古無不亡之國必期清亡國後甘肅士大夫人人為陶靖節謝疊山否則效田橫之五百人同日而死竊恐其未必然也又或為覺羅氏計萬一和議不成東南半壁不可收拾而黃河

流域人心機厚益以長督升撫爲之輔佐未嘗不可偏安而徐爲恢復之謀  
豈知娘子關雖已攻陷而秦中天險扼斷咽喉何能飛渡潼關而馳駕於關  
州即使西至蘭州一省之力豈能與全國抗諸君老成諳達此中利害豈猶  
未之知耶昨日會議席上鄙人主張民主倉卒中意猶未盡茲將共和應贊  
成之理由爲我議長續斯言之共和政體始於美法隨之各國相繼革命故  
帝政主義斷不能存在於二十世紀潮流所趨豈能獨異此宜贊成者一大  
國無論矣近如葡葡牙墨西哥之事皆以數日之間或一月之外改君主爲  
民主彼小國且如是况以中國之大四萬萬同胞之衆化爲僥倖長臥伏於  
專制政體之下無乃爲外人所笑此宜贊成者二孫中山倡言革命設同盟  
會於日本東京羣雄景從紛紛遍天下各持民族民權民生三大旨以推倒

專制建設共和爲目的復繼之以敢死黨時用暗殺主義炸斃要人甚多如惠州萍鄉安慶廣州諸役前仆後繼百折不回有志竟成殆其時矣此宜贊成者三近世政治形體雖有不同其爲多數政治則一現在全國人心傾向共和大多數之贊成卽知民主政體必能完全成立天視民視天聽民聽非人力所能挽回此宜贊成者四華人程度良莠不齊由君憲而躍入共和未免癡等若一日無君民卽無所措手足則曷不取鑒於周厲王出奔於彘十四年之中朝無天子周召代行政事共和二字始見於世夫以二大臣攝政猶能轉危爲安豈選舉大總統而獨不能勵精圖治乎全球幾成通例中國亦可仿行此宜贊成者五昔者三戶之楚亦足亡秦一旅之師亦堪興夏精誠所至金石爲開理固然也今則義旗一舉各省獨立其所以斷脰戮胸椎

當時大先生迎會  
合上意老賢君  
主其言而莫  
予遠也王吉人  
起而力爭大人  
先生而發亦領  
下筋暴起如管  
拍案大聲而呼  
曰反了

心飲血合數十萬生命不惜殛神州爲大墓者無他思變更政體也人人心  
理之所趨向城池不能禦兵甲不能勝即使小有挫衄而再接再厲其勢更  
倍於前與其再起兵爭不如俯從輿論此宜贊成者六頃者停戰命令既頒  
國家即派袁內閣爲議和全權大臣袁復委唐紹儀楊士琦爲代表與民軍  
代表伍廷芳議和於上海伍提出民黨意見四條大意在建立共和政府唐  
使知和平解決之法非共和不可已將實在情形電請內閣代奏並云若我  
不認共和即不能再行開議國家不得已詔求各省人民意見以決從違此  
事關繫重大非尋常事件可以迎合上意也就大勢所趨而論宜認改定  
共和政體與東南諸省合而爲一俾他日新歷史中爲闡上放一線光明雖  
未奏光復之功實已明改革之理使後世知義軒桑梓亦有人焉謹陳管見

是否有當請公決

蘭州市發見民軍宣傳品

督署接書一封略謂自古國家興亡皆天運盤環其將亡也必災異屢見各處兵起其將興也人心傾向動而成功長白

王氣已盡共和政體又多數贊同天既亡清先生豈能救之乎良禽擇木而棲賢臣擇主而事韓信陳平棄楚而歸漢劉整呂文煥棄宋而歸元此皆默識天時擇主而事名垂後

世先生其有意乎此明天啓丙寅六月清人遺明將毛文龍書好事者照錄以還之滿人豈真天運之循環耶

金發願於長白山建昌與金同願岳忠武不受清之封典豈無故哉

案清室發源長白山與金同原而遼志載長白山在冷山東南千餘里流白衣觀音所居其山內禽獸皆白人不敢入恐穢其間以致蛇虺之害黑水發源於此舊云粟末河太宗破晉改為混同江其俗剝木為舟長可八尺形如梭子曰梭船上施一槳止以捕魚至渡車則方舟或三舟覺羅氏豈遼之舊部耶

西軍幫統馬麒克復甯夏

官軍至甯夏南門繞城未匝下令攻城鳴鼓攻營喧聲震地而劉華堂等早出北門向平羅進

慕壽祺曰武昌起義各省響應一時揚竿而起如甯夏之偽革命者比比矣或慮籍有基勳業爛然或孤力無助身敗名裂遭逢既已懸絕成不成豈非命耶然劉華堂劉耀經占據甯夏從未妄殺一人聞官軍遠來又不肯抗拒徒苦吾父老子弟為也所謂知己知彼者非歟

長庚令青海蒙古二十九旗各選壯丁聽候調遣

先是雍正二年檄遠大將軍年羹堯同四川提督岳鍾琪平定青海

薩克達奏青海蒙古宜照喀爾喀之例分其旗分編爲佐領各管各屬因命理藩院侍郎  
鄂賚公同副都統達爾濟於雍正三年出口振實窮乏分編佐領查明青海蒙古乃二十九  
家卽分爲二十九旗每旗設協理臺吉一員管旗章京副章京參領各一員按戶口之多  
寡以百五十戶爲一佐領共佐領一百一十四箇半每佐領一箇設有壯丁一百五十名  
不計戶口共壯丁一萬五千六百七十五名現在甘肅東征陝西尙未克復所調甯涼莊  
三處滿兵又不堪一戰乃令青海各王公另選壯丁聽候命令而二十九旗首領走西甯  
謁青海辦事大臣謂  
向無此例事遂寢

慕壽祺曰青海蒙古各部落非烏斯臧喇嘛顯寶之後裔哉前明天啓間顯寶入據青海  
威行西七第五輩達賴羅卜藏札木蘇且受其制矣及清代征服蒙古編爲二十九旗限  
制非常之嚴今已不能成軍爲國家宣力又何其弱也王船山有言近夷衰弱實  
以滋崛起遠夷之利而使之興也勃焉嗚呼西北半壁後患方長可不儆懼乎

### 蘭州勸工廠停辦

先是光緒三十二年蘭州創辦勸工廠分設各科講求工藝就甘肅之  
原料仿東南之製法經之營之風氣已漸開矣至是因武昌起義各省

協餉斷絕工人糊口  
無資遂停辦工廠

慕壽祺曰余嘗考日本工業振興之由大要分爲三種一曰移植工業仰外國原料之輸  
入又用外國式諸機器以製造之如棉花紡績護模帽子織工菸草藥品諸物是一曰模  
倣工業以本國物產之原料用外國式諸機器以製造之如釀造石鹼玻璃粉之類是一  
曰特有工業以本邦產出之原料用本國發明之新式機器以製造之如毛織清酒漆器

漢書藝文傳云  
赤子弄兵於  
油唐書崔元  
云氣民得弓於  
之匪既非亦城  
亦非民開子  
推求其故而  
不有也之無地

趙文敏書法自  
成一家惟以爽  
宋宗室使首事  
仇以視八大山  
人覺羅善昌有  
愧色矣

諸物是蘭州勸工廠所造物品模仿者為多即使不停而仰外省原料之輸入又無外國  
新式諸機器以製造之成本過重其勢不能以久况又變出非常難欲維持有以知其必  
不能

矣

### 慶陽府知府善昌告急

慶陽哥匪與陝西張雲山通往來聞西軍圍乾州甚急乃聚眾  
攻城謀劫慶陽軍械救援乾州遣人入城勸知府降善昌答曰

我是大清官守大清疆土又忝為覺羅宗室休戚與國共之存亡與城共之到無可奈何  
時願以死上報國家與明末血節之段太守作地下遊安能向狗豕求生活乎旋求救於  
省城而省城亦無兵可派幸慶城高且堅不易攻已  
賊退及清庭遜位善昌委節節守節祠髮為僧

附慕壽祺寄善汝明律詩云滄桑劫後駐空同詩

汝明學詩於壽伯符

到窮時語便工

兩戒河山誰得失一天日月自雌雄我慚江叟生花筆君愛軒皇問道官安

得飛揚舒羽翼雷聲

空同有雷聲

處處問蒼穹

### 長庚擬實行就地徵兵制

馬安良招募回兵三十營全數開往陝西由涼莊調來旗兵  
陸續仍回原防長庚為防衛計擬選照練兵處額定軍制首

以就地徵兵為一定之目的復立常備續備後備分年訓練更番退伍之法使以少數之  
餉練成多數之兵久之自收愛民皆兵之效果且各國陸軍無不以徵兵為編制之要

素自王公子弟以至庶民視當兵若應有之天職兵之可貴如此我國兵民既分入伍者多游惰無業之輩有事則招之使來無事則揮之使去其來也既漫不加練其去也則窮無所歸流弊所終華乳無數盜賊即或永無遣就流亡之事如今之編練新軍然一兵入伍養至三十年亦將頭白齒落精力就衰耗散無窮之餉得此無用之兵欲其同儕敵愾夫何可得故振頓陸軍非改編營制不可欲改編營制非實行徵兵不可長庚毅然行之中央則並無明令

案泰西徵兵之制始於德意志德之挫於拿破崙也養兵不得過七百自德皇威廉第一立慨然欲雪先君之恥任用俾斯麥克爲首相毛奇爲將修內政飭軍備遂行徵兵之令令國中童子年二十者入伍三年更番訓練之故國小而民兵衆用以敗法摺奧爲歐洲之強國其次則以俄之徵兵爲最多國中凡兩丁以上均須當兵年以二十歲爲合格充兵四年期滿退爲後備至四十五歲乃免兵役如有重大兵事仍可調遣其馬隊兵制每八百人爲一營營分四隊月餉每人二盧布衣服飯食均由國家供給通國兵額共二百餘萬皆用徵兵之法以訓練之英美兵餉月給多者至四磅即或有著名不徵兵之地大抵皆在新領土境將以是愚蒙其民俾易就我範圍而非所設施於固有之境土也日本步武泰西仿行徵兵之制其初民智未開逃亡亦衆八年之間制凡三變今則通國之民以有名兵籍爲貴其入伍者隨時訓練分年更代常備八年而退爲預備兵又八年而爲後備兵又八年而免兵役有功以老罷歸者給餉終身死事者官廩其父母妻子而其勸徵之始要在先定區域每一聯隊所駐之地卽爲該隊徵兵之區其軍人家世職業性情習尚無不備知自於召集退伍約束訓練易施其力况以一力之民充一方之兵其愛情感素必有油然而生於不覺者而侵凌攘奪之風自無從而起其兵之有利於國無害於民

東西各國無不如此中國徵兵之制莫詳於周禮一書六鄉之正卒非所謂常備軍乎六遂之副卒與都鄙之士徒非所謂預備兵乎羨卒餘子非所謂後備乎上地家三人中地出二家五人下地家二人則按戶籍以爲徵調鄉遂出兵不出車官給車馬甲兵糗糧則僅徵其力役而別無苛派也自周道衰井田廢五霸出四海裂徵兵之制格而不行然漢代調兵猶有古意至唐貞觀中置府六百二十四兵約六十餘萬分年更代民甚便之說者謂三代以後兩漢以還唐之府兵隱然有兵農合一之盛焉今中國奏定徵兵章程殆仿照漢代調兵唐代府兵規制間參以各國兵制非強行血稅之令也血稅者西人謂就徵之兵灑其生血以報國家也德相俾斯麥曰今日所持者非公去也黑鐵耳赤血耳英國征非之帥吉青納嘗語人曰我歐洲無所謂文明也兵而已矣其意與俾相同日本明治五年擬行徵兵之制卽下詔以諭民矣而太政官復論於衆曰我朝上古之制舉國無非兵者有事則天子爲之元帥率而征不庭寇平則解甲歸田復爲農工商固非如後世之佩雙刀糜厚祿甚至睚眦殺人官不敢問其罪者也昔神武天皇以珍彥爲葛城國造設軍國定衛十防人之制至神龜天平間六府二鎮之制始備保元平治以後朝綱解紐兵權歸武門始隱然有封建之勢而兵農亦分矣浸淫日久弁髦王章奴隸民人弊不忍言今列藩奉還圖版王政維新舊日武門坐食之士削其祿脫其劍俾四民與之等夷此固國家所以均平上下無有差等之意也夫如是食毛踐土莫非王民可不思所以報國乎天地之間一事一物莫不有稅以俟國用爲吾國人應竭致其身以報吾國西人謂之血稅灑其生血以報國家也且夫國家有難民人共之衛國卽所以自衛矣有國卽有兵有兵卽不得不以吾民充其役乃天地古今之通義也泰西諸國數百年來所研究實踐編定兵制法極精密然而我國政體地勢稍有不同今不能悉行採用輒取其所長補古

絳陝西軍用陝  
西方言讀之令  
人解頤

乾淡者何州方  
官制無阻緊要  
也漢人都如此  
說

乾州已被甘軍  
包圍若雲山談  
笑自若夜開  
劇四城門洞允  
聽人出入升允  
聞而笑曰蠅蟻  
怒臂當權富保  
其躬之不粉耶  
民國初果為陸  
建章所殺

重提往事亦翻  
身仰射法也作  
者慣用此筆

昔軍制立海陸二軍取全國人民年至二十歲者皆編入兵籍以補緩急爾鄉  
長里正依此意告諭民人務使知保護國家之人本遂頒行徵兵令數十條

### 甘州哥老會首領王良慶謀起義事洩郡兵殺之

自陝西反正張鳳翔用哥老會首  
領張雲山為副督都令率同志守

乾州瀕行刷饒鳳翔對眾言曰雲山大哥是咱們全陝之北門鎖鑰也蓋欲其死守乾州  
北門使甘軍不得過雷池一步已馬安良率回軍二十營數百倍之浩浩蕩蕩殺至乾州  
雲山百出其術以禦之安良憤甚召軍官會議突然曰張半截子攔吾馬頭使吾不能策  
到咸陽子女玉帛讓捷足者先得都是乾淡頭一件如何對得起升大帥諸君有何奇策  
快說營長馬同曰聽眾娃說有個武娘娘的墳其地高正對乾州北門用大礮攻之以掩  
敵人之耳目再挖地穴以火藥轟之其克必矣安良乃立馬則天陵頂顧左右曰就照馬  
同所言速辦當是時雲山在乾州演劇開筵痛飲甘軍攻北門甚急喊殺之聲聞於戲場  
雲山人驚乃以城牆為戰壕令兵士頂頂鐵鍋身披氈襖晝夜防守又恐乾州萬一不保  
乃遣專足縋城上星夜至乾州投書於王良慶請搗亂後防禦取河州以搖惑回軍之心  
良慶宣言於其黨曰昔順治五年甘州丁國棟米刺印起革命之師謀恢復明之天下事  
雖未成名留史策彼回族也猶知大義我輩忝為漢族雲山大哥又有信來袖手旁觀於  
心何安僉曰敢不惟命是從密佈置一切擇期舉事惟子彈缺乏托人以大價購請提  
標兵士事為提督馬進祥所聞遣人捕良慶斬  
之餘黨亦死數人未幾共和告成乾州停戰

### 十二月除夕礮隊管帶梁國璋起兵響應陝西不果

時王之佐富於革命思想以營  
謀得總理建威軍文案將欲利

王之佐富於改  
 革之想投筆出  
 五門閱在新疆  
 二門餘年多所  
 建樹植兵變由  
 阿克蘇行政長  
 官與迪化省城  
 未幾以病卒時  
 民國二十有三  
 年也

用聯絡以達光復目的繼見建威軍統樂洪山安人也不足與謀復徧謁各軍官亦無一  
 解事者不得已始與慕壽祺及粵人方友松楚人劉佐寅毅廷廣東會館密邀激隊管帶  
 梁國璋於酒後說以大義國璋意動約勉期大舉無何署巡警道潘翰泉走告樂洪山謂  
 激隊將有變宜預防之之佐懼謀洩次日密謁國璋策進行方略時十二月二十六日也  
 國璋允於除夕日假行辭職帶隊入城誅長庚官告獨立並派隊官趙廷其劉紀  
 堂設伏白塔山作犄角勢計畫甫定二十八日聞清帝已退位共知告成事遂寢

附錄王之佐革命事實之佐字已任甘肅張人舉丁酉科鄉試旋由舉人  
 學習師範為新疆都督湯增新所拔議派充陸軍學堂國文教員鼓吹革命  
 不遺餘力以故武漢倡義時甘肅留鄂學生接踵而起蓋服膺於之佐學說  
 者實多先是之佐遊歷東瀛與黨人陳伯平交最契既歸聽鼓院江復與東  
 南人士遊富於改革思想徐錫麟之役實與謀焉幸清吏不之覺及熊成基  
 兵敗知事幾未熱遂歸隴上時與慕壽祺及二三豪俊相周旋辛亥九月陝  
 西反正後長庚檄師東下攻甚疾繼調涼莊滿營兵駐紮蘭州隱寓仇漢意

省垣居民恐駭殊甚之佐偕慕壽祺兩次上書長庚力諫其非長庚心銜之  
卒以迫於物議仍令滿營兵回防人心始就安帖嗣南北兩軍宣告停戰清  
后詔徵國民意見蘭紳會議力主反對共和慕壽祺力爭之不聽之佐大憤  
遂同慕壽祺鄧宗孫炳元致書議長張林炎略謂東南各省以鐵血刦共和  
之局甘肅不能相隨反正已足貽同胞羞此時如猶不表贊同恐一省之力  
不能抵抗二十餘省譏時如公當必見及於此云云林炎得書大驚卽袖示  
長庚議處之佐等四人死刑矣布政司俞明震聞之力爭謂恐四人不足惜  
其如與后旨矛盾何長庚語塞獄始解時之佐以營謀得總理建威軍文案  
將欲利用聯絡以達光復目的繼見建威軍統柴洪山妄人也不足與謀復  
偏謁各軍官亦無一解事者不得已始與慕壽祺粵人方友松楚人劉佐寅

設延廣東會館密邀礮隊管帶梁國璋於酒後說以大義國璋意動約剋期  
大舉無何署巡警道潘齡皋走告柴洪山礮隊將有變宜預防之之佐懼  
謀洩次日密謁國璋策進行方略時十二月二十六日也國璋允於除夕日  
假行辭歲禮帶隊入城誅長庚宣告獨立並派隊官趙廷根劉紀堂設伏白  
塔山作犄角勢計畫甫定二十八日聞清帝已退位共和告成事遂寢壬子  
正月與壽祺組織臨時省議會備嘗艱險蓋爲承認共和故也及正式議  
會成立之佐赴新彊

代理政使俞明震呈報罈粟一律肅清

資政院去年議決案以本年十二月爲各  
省罈粟一律禁絕之期新刑律明年施行

內列舉種煙運切吸煙各罪名本年又與英使續定禁煙期限仍以每年減運五千一百  
箱爲原則其於禁運也則一以絕種爲斷一以上藥禁運爲準若故使中國種絕運絕之  
後尙留此種預期以爲印十暢銷之地也者甘肅禁煙政策以從速肅清提前辦理爲  
宗旨禁種禁吸禁運三者同時並進去年各州縣已報肅清總督長庚恐有欺飾未敢奏

聞本年春開會同諮議局派員改易服裝赴各州縣一一查勘實  
無一株半苗明震呈報肅清請總督入奏並候英國派員覆勘

慕壽祺曰中華歷史伏羲以前代遠年湮荒渺無所考自伏羲王天下建都於陳制度文  
明此為最早伏羲氏沒神農氏作耒耨之利以教天下人民由佃漁而進於稼穡矣而軍  
事猶未興也黃帝繼神農而起戰勝蚩尤帝榆罔遜位是為征誅有天下之始未幾堯舜  
代興讓史者謂之五帝孔子刪書斷自唐虞以迄於今建國方略斟酌損益各適其宜遠  
遙四千三百數十年其間正統凡十有四曰虞曰夏曰殷曰周曰秦曰兩漢曰晉曰隋曰  
唐曰宋曰齊曰梁曰陳曰後梁後唐後晉後漢後周曰南宋割據凡三十有九曰蜀漢時  
曰魏曰吳晉宋間曰二趙曰三秦曰五涼曰四燕曰成曰夏曰仇池楊氏曰北朝曰後魏  
曰東魏曰西魏曰北齊曰北周五代時曰吳曰南唐曰前蜀曰後蜀曰南漢曰北漢曰楚  
曰吳越曰閩曰南平曰岐曰燕兩宋時曰遼曰夏曰金此數千年中甘肅幾無歲不有戰  
事前清末葉人民苦苛法久矣孫總理提倡革命以保我黃帝子孫武昌一呼專制廓清  
於是共和告成而  
皇帝之國以終

甘肅清史正編卷二十六終

